

KHÉ-SĪ-LIÒK (66)

1 Iâ-so· Ki-tok ê khé-sī, chiū-sī Siōng-tè só· hō· I lâi chí-sī I chiah ê lô·pók ê, chiū-sī beh kín-kín chiâⁿ ê sū; I chiū thok I ê thiⁿ-sài khi chí-tiám I ê lô·pók Iok-hān. ²Iok-hān chiū-sī chiong Siōng-tè ê Tō, kap Iâ-so· Ki-tok ê kan-chèng, kìⁿ-nā i só· ū khoàⁿ-kìⁿ ê lâi choè kan-chèng. ³Hoān-nā thak kap thiaⁿ hiah ê chhàm-gú, lâi siú kî-tiong só· kì-chài ê, ū hok-khì; in-ūi jít-kî kùn lah.

⁴Iok-hān kià phoe hō· A-se-a chhit ê kàu-hoē; Goān lín tit-tiōh un-tián pêng-an, tùi hit ê hiān-chāi tī-teh, chá tī-teh, chiong-lâi iáh tī-teh ê, í-kíp tùi I chō-ūi chêng chhit ê Sîn; ⁵koh tùi Iâ-so· Ki-tok, chiū-sī tiong-sìn ê kan-chèng, sí-lâng tiong thâu chhit ê oáh ê, toē-chiūⁿ chiah ê ông ê Chú-cháiⁿ. ⁶I thiàⁿ lán, ēng I ê huìh tháu-pàng lán thoat-lī lán ê choē; hō· lán choè kok, choè I ê Pē Siōng-tè ê chè-si; goān ēng-kng koân-lêng kui tī I, kàu tãi-tãi. À-bēng. ⁷I chē hūn lâi, chêng bák-chiu beh khoàⁿ-kìⁿ I; liân chhák I ê lêng iáh beh khoàⁿ-kìⁿ I; toē-chiūⁿ ê chók, lóng beh ūi-tiōh I lâi thi-khàu. Sít-chāi sī án-ni. À-bēng.

⁸Chú Siōng-tè kóng, Goá sī A-lī-hoat, koh sī O-bí-ka, hiān-chāi tī-teh, chá tī-teh, chiong-lâi tī-teh ê, sī choân-lêng ê.

⁹Goá Iok-hān chiū-sī lín ê hiaⁿ-tī, saⁿ-kap ū hūn tī Iâ-so· ê hoān-lān, kap I ê kok, kap I ê thun-lún ê; ūi-tiōh Siōng-tè ê tō, kap Iâ-

so· ê kan-chèng, bat tiám tī chhit ê hái-sū, mià kiò Poát-mô·. ¹⁰Tī Chú ê jít, goá hō· Sîn kám-tōng thiaⁿ-kìⁿ tī goá ê āu-bīn ū toā siaⁿ chhin-chhiūⁿ hō-thâu, kóng, Lí só· khoàⁿ-kìⁿ ê tiōh siá tī chheh-nīh, kià hō· hí chhit ê kàu-hoē; chiū-sī Í-hut-só·, Sū-múi-ná, Piát-ka-mô·, Chhui-ngá-chhui-lat, Sat-tèk, Hui-liáp-thiat-hui, Ló-tí-ka. ¹²Goá chiū oát-túg-sin, ài khoàⁿ kap goá kóng oē ê siaⁿ; í-keng oát-túg, chiū khoàⁿ-kìⁿ chhit ki ê kim teng-tái; ¹³teng-tái tiong ū chhin-chhiūⁿ Jîn-chú ê, seng-khu chhēng tng saⁿ, heng-khám hā kim toā. ¹⁴I ê thâu-khak kap thâu-mng lóng pēh chhin-chhiūⁿ pēh ê mí, chhin-chhiūⁿ seh; I ê bák-chiu chhin-chhiūⁿ hé-iām. ¹⁵I ê kha chhin-chhiūⁿ kng-liāng ê tâng, chhin-chhiūⁿ kè hé-lô· thoàn-liān ê; siaⁿ chhin-chhiūⁿ choē-choē tiâu chúí ê siaⁿ. ¹⁶Tī I ê chiàⁿ chhiú ū chhit liáp chhiⁿ; tùi I ê chhui thò·-chhut siang-bīn lâi ê kiàm; I ê bīn-māu chhin-chhiūⁿ iām jít siā-chhut kng. ¹⁷Goá khoàⁿ-kìⁿ I chiū phak tī I ê kha-chêng chhin-chhiūⁿ sí; I ēng chiàⁿ chhiú hoāⁿ goá, kóng, Bôh-tit kiaⁿ; goá sī khí-thâu ê, kap soah-bé ê, iáh sī oáh ê; ¹⁸goá bat sí, taⁿ lí khoàⁿ, goá sī oáh kàu tãi-tãi; koh ū sí-bô kap im-hú ê só-sī. ¹⁹Só·-í lí tiōh chiong só· khoàⁿ-kìⁿ ê, í-kíp hiān-kim só· ū ê, kap āu-lâi beh chiâⁿ ê sū, siá i; lí só· khoàⁿ-kìⁿ goá chiàⁿ chhiú téng chhit liáp chhiⁿ ê ò-biāu, kap chhit ki ê kim teng-tái; chhit liáp chhiⁿ, chiū-

sī chhit ê kàu-hoē ê sù-chiá; chhit ki teng-tâi, chiū-sī chhit ê kàu-hoē.

2 Lí tiòh siá phoe hō· tī Í-hut-só· ê kàu-hoē ê sù-chiá, kóng; Chiàⁿ chhiú tháⁿ chhit liáp chhiⁿ, kiâⁿ tī chhit ki kim teng-tâi tiong ê, I ê oē kóng: Goá chai lí ê só· kiâⁿ, kap lí ê tiòh-boâ, thun-lún; hiah ê choè pháiⁿ ê lêng, lí iáh boē iông-ún i; hiah ê ka-kī kóng sī sù-tô·, kī-sit m̄ sī ê, lí bat chhi-giām in, chai in sī pèh-chhát; ³lí iáh ū thun-lún, bat ūi-tiòh goá ê miá jím-siū bô ià-siān. ⁴Nā-sī goá ū só· chek-pī lí ê, chiū-sī lí í-keng lī-khui khí-thâu ê thiàⁿ. ⁵Só·-í tiòh kì-tit lí tui tá-lòh poáh-lòh lái; tiòh hoán-hoé, lái kiâⁿ lí khí-thâu ê só· kiâⁿ; nā bô án-ni, lí nā m̄ hoán-hoé, goá beh kàu lí hia, soá lí ê teng-tâi lī-khui i ê ūi. ⁶Nā-sī lí iáu ū chit hāng khó-chhiú, chiū-sī goá só· oàn-hūn Nī-ko-liáp tóng ê só· kiâⁿ, lí iáh oàn-hūn i. ⁷Ū hī-khang ê tiòh thiaⁿ Sèng Sîn kā chiaⁿ ê kàu-hoē só· kóng ê. Tek-sèng ê lêng goá beh chiong Siōng-tè Lók-hng tiong oáh-miā chhiū ê ké-chí hō· i chiaⁿ.

⁸Lí tiòh siá phoe hō· tī Sū-múi-ná ê kàu-hoē ê sù-chiá, kóng; Choè khí-thâu kap lō·-bé ê, bat sí lái koh-oáh ê, I ê oē kóng: ⁹Goá chai lí ê hoān-lân kap sòng-hiong, sít-chāi lí sī hó-giáh; hiah ê ka-kī kóng sī Iū-thài lêng, kī-sit m̄ sī ê, chiū-sī choè Sat-tàn ê hoē, in ê pòng-tók goá iáh chai. ¹⁰Bòh-tit kiaⁿ lí só· beh siū ê kan-khó·; lí khoàⁿ, Mô·-kúi beh chiong lín tiong-kan kúi-nā lêng hiat-lòh kaⁿ, hō· lín tú-tiòh chhi, lín beh siū hoān-lân chấp jít; lí tiòh chīn-tiong kàu sí, goá chiū beh ēng oáh-miā ê bián-liú siúⁿ-sù lí. ¹¹Ū hī-khang ê tiòh thiaⁿ Sèng Sîn kā chiaⁿ ê kàu-hoē só· kóng ê. Tek-sèng ê lêng koat-toàn bô siū-tiòh tē jī pái sí ê hāi.

¹²Lí tiòh siá phoe hō· tī Piát-ka-mô· ê kàu-

hoē ê sù-chiá, kóng; ¹³Hit ê ū siang-bīn lái ê kiām ê, I ê oē kóng: Goá chai lí só· toà ê ūi, chiū-sī Sat-tàn chō-ūi ê só·-chāi; lí chhi-siú goá ê miá, iáh bē bat m̄ jīn lí ê sìn goá, tī Anthê-phàⁿ ê jít, i chiū-sī choè goá ê kan-chèng, chīn-tiong tī goá ê, siū thài tī lín tiong-kan, chiū-sī tī Sat-tàn só· toà ê ūi. ¹⁴Nā-sī goá ū kúi-nā hāng beh chek-pī lí, in-ūi tī lí hia ū lêng chhi-siú Pa-lân ê kàu; chá Pa-lân bat kà-sī Pa-lék, chiong that-gāi ê mih hiat tī Í-sek-liát kiáⁿ-sun ê bīn-chèng; hō· in chiaⁿ chē ngó·-siōng ê mih, soá kiâⁿ kan-îm; ¹⁵chhin-chhiūⁿ án-ni, lí iáh iū-goân ū lêng chhi-siú Nī-ko-liáp tóng ê kàu. ¹⁶Só·-í tiòh hoán-hoé; nā bô án-ni, chiū goá kín-kín kàu lí hia, beh ēng goá ê chhiū ê kiām kap in kau-chiān. ¹⁷Ū hī-khang ê tiòh thiaⁿ Sèng Sîn kā chiaⁿ ê kàu-hoē só· kóng ê. Tek-sèng ê lêng, goá beh ēng só· khng-bát ê má-ná hō· i, koh ēng pèh ê chiòh hō· i, chiòh-téng khek sin ê miá, siū ê lêng í-goā, bô lêng bat i.

¹⁸Lí tiòh siá phoe hō· tī Chhui-ngá-chhui-lat ê kàu-hoē ê sù-chiá, kóng; Siōng-tè ê Kiáⁿ bák-chiu chhin-chhiūⁿ hé-iam, kha chhin-chhiūⁿ kng-liāng ê tâng ê, I ê oē kóng: ¹⁹Goá chai lí ê só· kiâⁿ, lí ê thiàⁿ, kap sìn, kap hók-sāi, kap thun-lún; koh lí lō·-bé ê só· kiâⁿ, pí khí-thâu ê khah choē. ²⁰Nā-sī goá ū só· chek-pī lí ê, chiū-sī lí iông-ún hit ê hū-jīn-lêng Iā-sé-piat, ka-kī chheng choè sian-ti ê; i kà-sī koh bē-hék goá chiaⁿ ê lô·-pók kiâⁿ kan-îm, kap chiaⁿ chē ngó·-siōng ê mih. ²¹Goá hō· i ū sī-chūn thang hoán-hoé, nā-sī i bô beh hoán-hoé, lī-khui i ê im-hēng. ²²Goá beh hiat i tī bīn-chhng; hiah ê kap i kiâⁿ im ê, nā bô hoán-hoé lī-khui i ê só· choè, goá iáh beh hiat in tī toā hoān-lân. ²³Goá beh ēng sí biát i ê kiáⁿ-jī; chiū chiaⁿ ê kàu-hoē lóng beh chai goá sí

kàm-chhat lāng ê sim-tng ê, iah beh chiàu lín ták lāng ê só· kiāⁿ lâi pò-èng lín. ²⁴Nā-sī lín tī Chhui-ngá-chhui-lat kī-ū ê lāng, hoān-nā bô sêng-siū chit hō· kà-sī, iah m̄ bat in só· kóng Sat-tàn chhim-ò ê sū, goá ká lín kóng, Goá bô ēng pát hō ê tàⁿ hō· lín taⁿ; ²⁵tók-tók lín só· ū ê, tiòh chhiⁿ-siú i kàu goá lâi. ²⁶Tek-sèng ê lāng, kap siú goá ê kiāⁿ-choè kàu lō·-bé ê, goá beh hō· i ū koān, tī-lí liát-pang; ²⁷i beh ēng thih-koáiⁿ koán-hat in, ná chún hui ê khi-kū siū phah-chhui, chhin-chhiūⁿ goá tui goá ê Pē sêng-siū koān-pèng chit iūⁿ. ²⁸Goá iā beh ēng khé-bēng chhiⁿ hō· i. ²⁹Ū hī-khang ê tiòh thiaⁿ Sèng Sîn ká chiaⁿ ê kàu-hoē só· kóng ê.

3 Lí tiòh siá phoe hō· tī Sat-ték ê kàu-hoē ê sù-chiá, kóng; Ū Siōng-tè ê chhit ê Sîn, kap chhit liáp chhiⁿ ê, I ê oē kóng: Goá chai lí ê só· choè, lí miā sī oáh, sít sī sí. ²Lí tiòh keng-séng, kian-kò· hiah ê kī-ū teh-beh sí ê sū; in-ūi goá khoàⁿ-kìⁿ lí ê kiāⁿ-choè, tī goá Siōng-tè ê bīn-chēng bô chit hāng oān-choān. ³Só·-í lí tiòh kì-tit, lí ū cháiⁿ-iūⁿ siū, cháiⁿ-iūⁿ thiaⁿ; koh tiòh chip-siú, iah tiòh hoán-hoé. Siat-sú m̄ keng-séng, goá beh chhin-chhiūⁿ chhát lâi, lí m̄ chai goá sím-mih sī beh lâi kàu tī lí. ⁴Chóng-sī tī Sat-ték lí iáu ū kúi-nā miā, bē bat phah lâ-sâm in ê saⁿ, in beh chhēng pēh saⁿ, kap goá sì-koè kiāⁿ; in-ūi in sī oē kham-tit ê. ⁵Tek-sèng ê lāng iah beh án-ni chhēng pēh saⁿ; i ê miā tī oáh-miā ê chheh, goá koat-toàn bô chhat-khí-lâi, sī beh jīm i ê miā tī goá ê Pē ê bīn-chēng, í-kíp I hiah ê thiⁿ-sài ê bīn-chēng. ⁶Ū hī-khang ê tiòh thiaⁿ Sèng Sîn ká chiaⁿ ê kàu-hoē só· kóng ê.

⁷Lí tiòh siá phoe hō· tī Hui-liáp-thiat-hui ê kàu-hoē ê sù-chiá, kóng; Sī sèng, sī chin, ū Tāi-pít ê só·-sí, khui chiū bô lāng oē koaiⁿ, koaiⁿ chiū bô lāng oē khui ê, I ê oē kóng:

⁸Goá chai lí ê só· choè, (lí khoàⁿ, goá tī lí ê bīn-chēng í-keng ū ká lí khui m̄ng, sī bô lāng oē koaiⁿ ê), in-ūi lí ū tām-pòh khui-lát, í-keng siú goá ê tō-lí, bē bat m̄ jīm goá ê miā. ⁹Sat-tàn ê hoē, ka-kī kóng sī Iū-thài lāng, kī-sít m̄ sī, sī kóng pēh-chhát ê; goá beh siúⁿ-sù lí hō· in lâi phak tī lí ê kha-chēng, koh hō· in chai goá í-keng thiàⁿ lí. ¹⁰In-ūi lí í-keng siú goá thun-lún ê tō-lí, goá iah beh siú lí thoat-lī hit ê chhiⁿ-liān ê sī, chit ê sī beh kàu tī thiⁿ-ē, lâi chhiⁿ-liān lóng-chóng khiā-khí tī toē-chiūⁿ ê lāng. ¹¹Goá kín-kín kàu; lí só· ū ê tiòh chhiⁿ-siú i, bián-tit ū lāng chhiúⁿ lí ê bián-liū. ¹²Tek-sèng ê lāng, goá beh hō· i choè thiāu tī goá Siōng-tè ê tiān-lâi, koat-toàn bô koh chhut-khí goā-bīn; goá iah beh chiong goá Siōng-tè ê miā, í-kíp goá Siōng-tè ê siāⁿ, sin ê Iā-lō·-sat-léng, tui thiⁿ tui goá ê Siōng-tè kàng-lòh ê ê miā, koh ēng goá sin ê miā, lóng siá tī i ê téng-bīn. ¹³Ū hī-khang ê, tiòh thiaⁿ Sèng Sîn ká chiaⁿ ê kàu-hoē só· kóng ê.

¹⁴Lí tiòh siá phoe hō· tī Ló-tí-ka ê kàu-hoē ê sù-chiá, kóng; Choè À-bēng, choè tiong-sìn chin-sít ê kan-chēng, choè Siōng-tè chō-hoà ê goān-thâu ê, I ê oē kóng: ¹⁵Goá chai lí ê só· choè, lí sī bô léng bô jiát; goá goān lí hēk-sī léng hēk-sī jiát. ¹⁶Lí kì-jian sī lâ-lún-sio, m̄ chiāⁿ jiát m̄ chiāⁿ léng, goá beh thò· lí chhut goá ê chhui. ¹⁷In-ūi lí ka-kī kóng, Goá sī hó-giáh, í-keng hoat-chái, lóng bô khiām-kheh; iā m̄ chai lí sī khùn-khó·, khó·lín, sòng-hiong, chhiⁿ-mī, thèng-theh; ¹⁸goá thoè lí siūⁿ, tiòh tui goá boé kè hé thoàn-liān ê kim, thang tit-tiòh hó-giáh; koh boé pēh saⁿ thang chhēng, hō· lí bô lō·-hiān thèng-theh ê kiàn-siàu; koh boé iòh-ko, lâi boah lí ê bák-chiu, hō· lí oē khoàⁿ-kìⁿ. ¹⁹Kìⁿ-nā goá só· thiàⁿ ê lāng, goá chek-pī lâi keng-kài i; só·-í tiòh hùn-chì lâi

hoán-hoé. ²⁰Goá khiā tī m̄ng-goā phah m̄ng, thiaⁿ-kìⁿ goá ê siaⁿ lâi khui ê lāng, goá beh jlp-khì chiū-kūn i, lâi kap i chiáh, i iáh kap goá chiáh. ²¹Tek-sèng ê lāng, goá beh hō· i kap goá tâng chē tī goá ê chō-ūi, chhin-chhiūⁿ goá tek-sèng lâi kap goá ê Pē tâng chē tī I ê chō-ūi chit iūⁿ. ²²Ū hī-khang ê, tióh thiaⁿ Sèng Sîn kā chiaⁿ ê kàu-hoē só· kóng ê.

4 Chiaⁿ ê tãi-chì í-āu goá khoàⁿ-kìⁿ, tī thiⁿ-n̄h ū m̄ng khui, koh ū goá khí-thâu só· thiaⁿ-kìⁿ ê siaⁿ, chhin-chhiūⁿ hō-thâu kap goá kóng oē ê, kóng, Lí chiūⁿ lâi chia, goá beh chiong āu-lâi só· tek-khak chiāⁿ ê sū chí-sī lí. ²Goá sūi-sī siū Sîn ê kám-tōng, hut-jian khoàⁿ-kìⁿ ū chō-ūi siat tī thiⁿ-n̄h, chō-ūi téng ū teh chē ê; ³hit ê teh chē ê, I ê iōng-māu chhin-chhiūⁿ phék-gék, kap bé-ló; I ê chō-ūi chiu-ūi ū khēng, khoàⁿ-liáu chhin-chhiūⁿ chhong-hēng gék. ⁴Chō-ūi ê chiu-ūi, ū jī-cháp-sì ê chō-ūi, chē tī hit téng-bīn ê, ū jī-cháp-sì ê tiúⁿ-lô, chhēng pēh saⁿ, thau-khak tī kim ê bián-liū. ⁵Tùi hit ê tiōng-ng ê chō-ūi ū hoat-chhut sih-nà, kap siaⁿ, kap lúi. Iáh ū chhit ki teng-hé, tiám tī chō-ūi chēng, chiū-sī Siōng-tè ê chhit ê Sîn. ⁶Chō-ūi chēng ū chhin-chhiūⁿ po-lê ê hái, hóng-hut chhin-chhiūⁿ chúi-chiⁿ; chō-ūi tiōng kap chō-ūi ê chiu-ūi, ū sī ê oáh mih, chēng āu ū bák-chiu moá-moá. ⁷Thau chit ê oáh mih chhin-chhiūⁿ sai, tē jī ê oáh mih chhin-chhiūⁿ gū-á, tē saⁿ ê oáh mih ū bīn chhin-chhiūⁿ lāng, tē sī ê oáh mih chhin-chhiūⁿ teh pe ê eng. ⁸Sī ê oáh mih kok ū lāk ê sít, chiu-ūi kap lâi-bīn piàn-sin ū bák-chiu; mī-jlt lóng bô hioh-khùn, teh kóng, Sèng-chài, Sèng-chài, Sèng-chài, Chú Siōng-tè, Choân-lēng ê, chá tī-teh, hiān-chāi tī-teh, chiong-lâi iáh tī-teh ê. ⁹Ták pái oáh mih chiong êng-kng, chun-kùi, kám-siā, kui

hō· chē tī chō-ūi, oáh kàu tãi-tãi bô chīn ê, ¹⁰jī-cháp-sì ê tiúⁿ-lô chiū phak tī hit ê chē tī chō-ūi ê ê bīn-chēng, kēng-pài hit ê oáh kàu tãi-tãi bô chīn ê; koh chiong in ê bián-liū hiat tī chō-ūi chēng, kóng, ¹¹Goán ê Chú, goán ê Siōng-tè, lí kham-tit siū êng-kng, chun-kùi, koân-lēng; in-ūi lí bat chhòng-chō bān mih; bān mih tī-teh, bān mih siū chhòng-chō, lóng sī tùi lí ê chí-l.

5 Goá khoàⁿ-kìⁿ chē tī chō-ūi ê, chiāⁿ chhiú thēh chit kúg, lâi-goā lóng ū bīn-jī, ēng chhit ê in hong-bát. ²Koh khoàⁿ-kìⁿ ū koân-lēng ê thiⁿ-sai, toā siaⁿ soan-thoan kóng, Chī-chūi oē kham-tit khui hit kúg, lâi thiah-khui i ê in. ³Tī thiⁿ-n̄h, kap toē-n̄h, kap toē ê ē-bīn, bô chit-ê oē khui hit kúg, á-sī khoàⁿ i. ⁴Kì-jian chhē bô chit-ê oē kham-tit khui hit kúg, á-sī khoàⁿ i ê, goá chiū toā thi-khau. ⁵Hiah ê tiúⁿ-lô ê chit-ê kā goá kóng, Bôh-tit thi-khau; lí khoàⁿ, Iū-tāi chi-phài ê sai, Tāi-pit ê kun-thau, í-keng tek-sèng, thang lâi khui chit kúg, kap hiah ê chhit ê in. ⁶Goá chiū khoàⁿ-kìⁿ tī chō-ūi kap sī ūi ê oáh mih ê tiōng-kan, kap tī hiah ê tiúⁿ-lô ê tiōng-kan, ū Iūⁿ-ko khiā-teh, chhin-chhiūⁿ bat siū thau, ū chhit ki kak, chhit lúi bák-chiu, chiū-sī Siōng-tè ê chhit ê Sîn, hōng-chhe kàu phó· thiⁿ-ē ê. ⁷I chiū chìn-chēng, tùi hit ê chē tī chō-ūi ê ê chiāⁿ chhiú thēh hit kúg. ⁸I thēh hit kúg ê sī, chiū sī ê oáh mih kap jī-cháp-sì ê tiúⁿ-lô, lóng phak tī Iūⁿ-ko ê bīn-chēng; ták-ê ū khim kap kim lô, toé huiⁿ moá-moá, huiⁿ chiū-sī sèng-tô· ê kí-tó. ⁹Iā gīm sin ê si kóng, Lí kham-tit thēh hit kúg, lâi khui i ê in; in-ūi lí siū thau, bat ēng lí ê huìh tùi ták chók, ták khiuⁿ-kháu, ták hō peh-siⁿ, ták kok, boé lāng lâi kui Siōng-tè; ¹⁰hō· in choè kok, choè chè-si, lâi hók-sai Siōng-tè; in iáh beh choè ông tī toē-chiūⁿ.

¹¹Goá koh khoàⁿ, chiū thiaⁿ-kìⁿ chō-ūi, kap oáh mih, kap tiúⁿ-ló ê chiu-ùi choē-choē thiⁿ-sài ê siaⁿ; in ê giáh-siàu chheng-chheng bân-bân; toā siaⁿ kóng, Siū thâi ê Iūⁿ-ko, háp-gi tit-tiòh koân-lêng, pù-ū, tì-hūi, khui-lát, chun-kui, êng-kng, o-ló. ¹³Koh thiaⁿ-kìⁿ tī thiⁿ tī toē, kap toē ê ē-bīn, kap hái-bīn, it-chhè siū chō ê mih, kap kī-tiong hoân só· ū ê, lóng kóng, O-ló, chun-kui, êng-kng, koân-sè, lóng kui hō· chē tī chō-ūi ê, kap Iūⁿ-ko, kàu tãi-tãi bô chīn. ¹⁴Sì ê oáh mih kóng, À-bēng; hiah ê tiúⁿ-ló chiū phak-teh pài.

6 Iūⁿ-ko khui chhit ê in ê chit ê, hit sī goá teh khoàⁿ, chiū thiaⁿ-kìⁿ sī ê oáh mih ê chit-ê, i ê siaⁿ chhin-chhiūⁿ lūi, kóng, Lâi ah. ²Goá chiū khoàⁿ, ū pèh bé, khiâ i ê ū kiáh keng, iáh ū bián-liú hō· i; i chiū chhut-khì tek-sèng, koh beh tek-sèng.

³Khui tē jī ê in ê sī, goá thiaⁿ-kìⁿ tē jī ê oáh mih kóng, Lâi ah. ⁴Koh ū chit chiaⁿ bé chhut lâi, sī chiaⁿ ê, ū koân-pèng hō· hit ê khiâ bé ê, tui toē-chiūⁿ chhiúⁿ-toát hô-pèng, hō· lêng saⁿ-thâi; koh ū chiong toā ki to hō· i.

⁵Khui tē saⁿ ê in ê sī, goá thiaⁿ-kìⁿ tē saⁿ ê oáh mih kóng, Lâi ah. Goá chiū khoàⁿ, ū o· bé, khiâ i ê, chhiú kiáh chhin. ⁶Goá thiaⁿ-kìⁿ sī ê oáh mih ê tiong-kan chhin-chhiūⁿ ū siaⁿ kóng, Bèh chit chin chit ê gūn-á, toā-bèh saⁿ chin iā chit ê gūn-á; iū kap chiú m̄ thang phah pháiⁿ.

⁷Khui tē sī ê in ê sī, goá thiaⁿ-kìⁿ tē sī ê oáh mih ê siaⁿ kóng, Lâi ah. ⁸Goá chiū khoàⁿ, ū hé-hu-sek ê bé; khiâ i ê, i ê miâ kiò choè Sí; Im-hú tē i ê āu-bīn tâng kiáⁿ; ū koân-pèng hō· in, thang tī-lí toē-chiūⁿ ê sī hūn chit; êng to-kiám, ki-hng, un-ék, kap toē-chiūⁿ ê iá-siū lâi biát i.

⁹Khui tē gō· ê in ê sī, goá khoàⁿ-kìⁿ chē-toāⁿ ê, ū ūi-tiòh Siōng-tè ê tō-lí, kap ūi-tiòh in só· chip-siú ê kan-chèng, lâi siū thâi ê lêng ê lêng-hūn; ¹⁰toā siaⁿ āu-kiò kóng, Sèng, koh chin ê Chú-cháiⁿ ah, lí bô sím-phoàⁿ tiàm tī toē-chiūⁿ ê lêng, lâi sin goán lâu huìh ê oan, beh kàu sím-mih sī ah? ¹¹Chiū ū pèh saⁿ hō· in ták lêng, koh ká in kóng, tiòh chhiáⁿ hioh tām-pòh kú, thèng-hāu tâng choè lô·pòk ê kap hiaⁿ-tī, chiū-sī beh chhin-chhiūⁿ in siū thâi ê, siàu-giáh it-chīn moá.

¹²Goá khoàⁿ I khui tē lak ê in ê sī, toē toā tín-tāng, jít pìⁿ o· chhin-chhiūⁿ mô·o·pò·, gèh kui-ê chhin-chhiūⁿ huìh; ¹³thiⁿ chhiⁿ tui-lòh toē, chhin-chhiūⁿ bû-hoa-kó chhiū hō· toā hong só· iô, lak bē sèk ê ké-chí chit iūⁿ. ¹⁴Thiⁿ chiū tú-tiòh chhian-soá, chhin-chhiūⁿ chheh kúg-khí-lâi; soaⁿ kap hái-sū lóng cháu-choáh. ¹⁵Toē-chiūⁿ chiaⁿ ê ông, tãi-hu, chhian-chóng, pù lêng, bég lêng, í-kíp lóng-chóng choè lô·pòk ê, chū-iū ê, ka-kī bih tī soaⁿ-tōng soaⁿ-giám. ¹⁶Tui soaⁿ kap giám kóng, Teh tī goán ê téng-bīn, jia-khàm goán, thang siám-pī hit ê chē tī chō-ūi ê ē bīn, kap Iūⁿ-ko ê siū-khì. ¹⁷In-ūi in siū-khì ê toā jít í-keng kàu lah, chī-chui khiâ oē tiâu ah?

7 Chiaⁿ ê tãi-chì liáu-āu goá khoàⁿ-kìⁿ sī ê thiⁿ-sài khiâ tī toē ê sī kak-thâu, chip-chiáng toē ê sī-bīn hong, hō· i bô chhe tī toē, tī hái, kap it-khai ê chhiū. ²Koh khoàⁿ-kìⁿ pát ê thiⁿ-sài tui jít-chhut ê só·-chāi chiūⁿ-lâi, thèh chin-oáh Siōng-tè ê in; tui hiah ê tit-tiòh koân, lâi siong-hāi toē kap hái, sī ê thiⁿ-sài toā siaⁿ kiò, kóng, ³Toē kap hái kap chhiū lín bôh-tit siong-hāi, thèng-hāu goán khàm-in tī lán ê Siōng-tè ê lô·pòk ê thâu-hiáh. ⁴Goá chiū thiaⁿ-kìⁿ siū khàm-in ê ē siàu-giáh; Í-sek-liát ê kiáⁿ-sun cheng chi-phài ê tiong-kan

siū khàm-in ê, kiōng ū chấp-sì-bān sì-chheng.

⁵Siók Iū-tāi ê chi-phài siū khàm-in ê, chít-bān n̄ng-chheng: Siók Liū-piān ê chi-phài, chít-bān n̄ng-chheng: Siók Ka-tek ê chi-phài, chít-bān n̄ng-chheng: ⁶Siók A-siat ê chi-phài, chít-bān n̄ng-chheng: Siók Láp-tāi-lī ê chi-phài, chít-bān n̄ng-chheng: Siók Má-ná-se ê chi-phài, chít-bān n̄ng-chheng: ⁷Siók Se-biān ê chi-phài, chít-bān n̄ng-chheng: Siók Lī-bī ê chi-phài, chít-bān n̄ng-chheng: Siók Í-sat-ka ê chi-phài, chít-bān n̄ng-chheng: ⁸Siók Se-pò·lún ê chi-phài, chít-bān n̄ng-chheng: Siók Iok-sek ê chi-phài, chít-bān n̄ng-chheng: Siók Pián-bín ê chi-phài, chít-bān n̄ng-chheng.

⁹Chiah ê tãi-chì liáu-āu, goá khoàⁿ-kìⁿ ū kui toā tīn ê lāng, bô lāng oē sng i ê siàu-giáh, chhut tī ták kok, ták chók, ták hō pēh-sìⁿ, ták iūⁿ khiuⁿ-kháu ê, khiā tī chō-ūi ê bīn-chēng, chhēng pēh saⁿ, chhiú kiáh chang-chhiū ki; ¹⁰toā siaⁿ kiò kóng, Goān chín-kiù kui tī lán ê Siōng-tè, chiū-sī chē cho-ūi ê, kap tī Iūⁿ-ko. ¹¹Chēng thiⁿ-sài khiā tī chō-ūi kap tiúⁿ-lô kap sì ê oáh-mih ê chiu-ūi, bīn phak tī chō-ūi chēng, keng-pài Siōng-tè, kóng, À-bēng: ¹²Goān o-ló, ēng-kng, tì-hūi, kám-siā, chun-kui, koān-lēng, khui-lát kui tī lán ê Siōng-tè, kàu tãi-tāi bô chīn. À-bēng. ¹³Tiúⁿ-lô ê tiong-kan ū chít ê in goá kóng, Chiah ê chhēng pēh saⁿ ê sī chī-chhiū? tui tá-lôh lāi ah? ¹⁴Goá kā i kóng, Goá ê Chú ah, lí chai. I kā goá kóng, Chiah-ê sī tui hit ê toā ê hoān-lān chhut-lāi ê, bat tī Iūⁿ-ko ê huìh soé in ê saⁿ kàu pēh-pēh. ¹⁵Só·í in tī Siōng-tè ê chō-ūi chēng, koh tī I ê tiān mī-jit hók-sāi I; chē tī chō-ūi ê beh khiā-khi tī in ê tiong-kan, lāi tì-im in. ¹⁶In bô koh iau, iā bô koh chhui-ta; jít kap it-chhè ê jiát boē pek-tiòh in. ¹⁷In-ūi chō-ūi tiong ê Iūⁿ-ko beh choē in ê bók-chiá,

chhoā in kàu oáh ê chúi-choāⁿ; koh Siōng-tè beh tui in ê bák-chiu chhit-khi in lóng-chóng ê bák-sái.

8 Khui tē chhit ê in ê sí, thiⁿ-n̄h chēng-chēng, iok-liók poàⁿ-tiám cheng kú. ²Goá khoàⁿ-kìⁿ hiah ê khiā tī Siōng-tè ê bīn-chēng chhit ê thiⁿ-sài; koh ū chhit ki hō-thâu hō in.

³Iā ū chit ê thiⁿ-sài lāi khiā tī chē-toāⁿ piⁿ, thēh kim huiⁿ-lô; ⁴ū choē-choē huiⁿ hō i, thang chham tī chēng sēng-tô· ê kī-tó, tī chō-ūi chēng ê kim-toāⁿ-tēng. Huiⁿ-ian kap sēng-tô· ê kī-tó tui thiⁿ-sài ê chhiú chhēng kàu Siōng-tè ê bīn-chēng. ⁵Thiⁿ-sài thēh hit ê huiⁿ-lô, chiong toāⁿ-n̄h ê hé toé kàu moá, hiat tī toē-n̄h; chiū ū lūi tân, kap chiah ê siaⁿ, kap sih-nà, kap toē-tāng.

⁶Kiáh chhit ki hō-thâu ê chhit ê thiⁿ-sài, chiū pī-pān beh pūn.

⁷Thâu-chit ê thiⁿ-sài pūn, chiū ū phauh kap hé ēng huìh saⁿ-chham hiat tī toē-n̄h; toē saⁿ hūn ê chit hūn sio-lio-khi, chhiū-bák saⁿ hūn ê chit hūn sio-lio-khi, it-chhè ê chhiⁿ chháu iā sio-lio-khi.

⁸Tē jī ê thiⁿ-sài pūn, chiū ū chhin-chhiūⁿ hé teh sio ê toā soaⁿ hiat-lôh hái; hái saⁿ hūn ê chit hūn chiū pīⁿ-choē huìh; hái-lāi só· ū ê oáh-mih saⁿ hūn sí chit hūn; chūn-chiah iā saⁿ-hūn phoà chit hūn.

¹⁰Tē saⁿ ê thiⁿ-sài pūn, ū toā liáp chhiⁿ teh tóh chhin-chhiūⁿ hé-pé, tui thiⁿ tui-lôh-lāi; chiū tui tī kang-hô saⁿ hūn ê chit hūn, í-kíp tī chiah ê chúi-choāⁿ; ¹¹chhiⁿ ê miā kiò choē In-tin; chúi saⁿ hūn ê chit hūn pīⁿ-choē in-tin; lāng choē-choē in-ūi chiah ê chúi lāi sí, in-ūi i sī khó·.

¹²Tē sì ê thiⁿ-sài pūn, jít ê saⁿ hūn chit, gēh ê saⁿ hūn chit, chhiⁿ ê saⁿ hūn chit, siū kong-kek, tì-kàu in saⁿ hūn ê chit hūn pīⁿ-

choè àm; jít-sī saⁿ hūn ê chít hūn bô kng; mí-sī iā sī án-ni.

¹³Goá koh khoàⁿ, chiū thiaⁿ-kìⁿ chít chiaⁿ eng pe tī thiⁿ-tiong, toā siaⁿ kóng, In-ūi kī-ū hō-thâu ê siaⁿ, chiū-sī saⁿ ê thiⁿ-sài só· beh pūn ê, khiā-khí toē-chiūⁿ ê lāng ū chai-ē, ū chai-ē, ū chai-ē.

9 Tē gō· ê thiⁿ-sài pūn, goá chiū khoàⁿ-kìⁿ chít liáp chhiⁿ í-keng tui thiⁿ tui-lóh toē; ū chiong bô toé chhim-khiⁿ ê só-sī hō· í. ²Kàu í khui bô toé ê chhim-khiⁿ, chiū ian tui chhim-khiⁿ chhèng-khí-lâi chhin-chhiūⁿ toā hé-lô· ê ian; jít kap khong-khí lóng in-ūi chhim-khiⁿ ê ian chiū àm. ³Ū chháu-meh tui hit ê ian chhut-lâi tī toē-nih; ū koân hō· in, chhin-chhiūⁿ toē-nih ê giat-á-thang ū koân chít iūⁿ. ⁴Koh ū ká in kóng, m̄ thang siong-hāi toē ê chháu, kap it-chhè chhiⁿ ê mih, kap ták iūⁿ ê chhiū-bák, tók-tók siong-hāi hiah ê tī thâu-hiáh bô ū Siōng-tè ê in ê lāng. ⁵Koh bēng-lēng in m̄ thang hāi-sí in, chí ū hō· in thàng-thiàⁿ gō· gēh jít kú; in ê thàng-thiàⁿ chhin-chhiūⁿ giat-á-thang chhiōh lāng ê thàng-thiàⁿ chít iūⁿ. ⁶Tī hiah ê jít lāng beh kiú sí, iā boē tit-tiōh; ài beh sí, iā sí siám-pī í. ⁷Chháu-meh ê khoán-sit chhin-chhiūⁿ pī-pān chhut-chiàn ê bé; thâu-khak téng hóng-hut ū bián-liú chhin-chhiūⁿ kim; in ê bīn chhin-chhiūⁿ lāng ê bīn. ⁸Ū thâu-m̄ng chhin-chhiūⁿ hū-jīn-lāng ê thâu-m̄ng; in ê gē chhin-chhiūⁿ sai ê gē. ⁹Koh ū hō·-sim-kiàⁿ chhin-chhiūⁿ thih ê hō·-sim-kiàⁿ; in ê sít ê siaⁿ chhin-chhiūⁿ choē-choē chia-bé chháu khi kau-chiàn ê siaⁿ. ¹⁰In ū bé chhin-chhiūⁿ giat-á-thang iā ū chhi; in ê koân oē siong-hāi lāng gō· gēh-jít, sī tī in ê bé. ¹¹Choè in ê ông ê chiū-sī chhim-khiⁿ ê chhe-sài; Hi-pek-lâi ê im, miā kiò A-pa-tùn; Hi-lī-ní ê im, miā kiò A-pho-lūn.

¹²Thâu chít ê chai-ē í-keng kè-sin; hiah ê tãi-chì í-āu, iáu ū n̄ng hāng chai-ē beh kàu.

¹³Tē lāk ê thiⁿ-sài pūn, goá chiū thiaⁿ-kìⁿ ū chít ê siaⁿ tui Siōng-tè bīn-chēng ê kim-toāⁿ chiaⁿ ê kak chhut-lâi, ¹⁴kā hit ê kiáh hō-thâu ê tē lāk ê thiⁿ-sài kóng, Pák tī Pek-lat toā hō hit sī ê thiⁿ-sài, lí tiōh tháu-pàng in. ¹⁵Hit sī ê thiⁿ-sài siū tháu-pàng, chiū-sī só· pī-pān kàu hit ê sí, jít, gēh, ní, beh hāi-sí lāng saⁿ hūn ê chít hūn ê. ¹⁶Bé-peng ê siáu-giáh ū n̄ng-bān-bān; in ê siáu-giáh goá thiaⁿ-kìⁿ lah. ¹⁷Goá tī īⁿ-siōng tiong khoàⁿ-kìⁿ bé kap khiā bé ê chhin-chhiūⁿ án-ni; in ū hō·-sim-kiàⁿ chhin-chhiūⁿ hé, chhin-chhiūⁿ chí-sek ê gēk, chhin-chhiūⁿ jiū-n̄g; bé thâu sī chhin-chhiūⁿ sai ê thâu; tui in ê chhui chhut hé kap ian kap jiū-n̄g. ¹⁸Tui in ê chhui só· chhut-lâi ê hé kap ian kap jiū-n̄g, chít saⁿ hāng ê chai-ē, lāng saⁿ hūn ê chít hūn tú-tiōh hāi-sí. ¹⁹Hiah ê bé ê koân chāi-tī in ê chhui, koh chāi-tī in ê bé; in-ūi in ê bé sī chhin-chhiūⁿ choā, koh ū thâu; ēng hiah-ê siong-hāi lāng. ²⁰Kí-ū ê lāng, bô tui chiaⁿ ê chai-ē sí ê, iáu-kú bô hoán-hoé, lâi koé in ê chhiú só· choè, iū-goân pài chiaⁿ ê kúi, kap boē oē khoàⁿ, boē oē thiaⁿ, boē oē kiàⁿ, kim, gūn, tâng, chiōh, chhā ê ngó-siōng; koh bô hoán-hoé lâi koé in ê thāi-lāng, siā-sút, im-loān, thau-théh.

10 Goá koh khoàⁿ-kìⁿ pát ê toā khui-lát ê thiⁿ-sài tui thiⁿ kàng-lóh, chhēng hūn choè saⁿ, thâu-khak téng ū khēng, í ê bīn chhin-chhiūⁿ jít-thâu, kha chhin-chhiūⁿ hé-thiāu. ²Chhiú tiong ū soè-soè kúg ê chheh, í-keng hian-khui ê, í chiàⁿ kha táh tī hái-nih, tò kha táh tī toē-nih, toā siaⁿ âu-kiò, chhin-chhiūⁿ sai teh háu, í âu-kiò ê sī hit chhit ê lúi chiū chhut in ê siaⁿ. ⁴Chhit ê lúi í-keng chhut siaⁿ, goá beh siá í; tók-tók thiaⁿ-kìⁿ tui thiⁿ

ū siaⁿ kóng, Chhit ê lúi só· kóng ê, lí tiòh hong-bát, bôh-tit siá i. ⁵Goá só· khoàⁿ-kìⁿ khiā tī hái kap toē-nih ê thiⁿ-sài, kiáh-khí i ê chiàⁿ chhiú òng thiⁿ, ⁶kí chhòng-chō thiⁿ kap thiⁿ-nih ê mih, toē kap toē-nih ê mih, hái kap hái-nih ê mih, oáh kàu tãi-tãi bô kiông-chīn ê, lâi chiū-choā kóng, í-āu bô koh ū sī-jit; ⁷tók-tók tī tē chhit ê thiⁿ-sài chhut siaⁿ ê jít, tng i beh pún hō-thâu ê sī, Siōng-tè ê ò-biāu chiū chiāⁿ, chiàu I só· thoân hō· I ê lô·pók, hiah ê sian-ti ê hok-im. ⁸Goá cheng só· thiaⁿ-kìⁿ tui thiⁿ ê siaⁿ, taⁿ koh thiaⁿ-kìⁿ i tui goá kóng oē, kóng, Hit ê khiā tī hái kap toē-nih ê thiⁿ-sài, chhiú-tiong só· thêh hian-khui ê chheh, lí tiòh khi thêh i. ⁹Goá sūi-sī khi chiū-kūn hit ê thiⁿ-sài, kā i kóng tiòh ēng hit kúg soē-soē ê chheh hō· goá. I chiū kā goá kóng, Lí thêh-khi chiáh i; i beh hō· lí ê pak-tó· khó·, tī lí ê chhui-lâi beh tīⁿ chhin-chhiūⁿ bít. ¹⁰Goá chiū tui hit ê thiⁿ-sài ê chhiú thêh soē kúg chheh lâi chiáh i; tī goá chhui-lâi kó-jian tīⁿ chhin-chhiūⁿ bít; í-keng thun-lòh-khi, goá ê pak-tó· chiū khó·. ¹¹In kā goá kóng, Lí tiòh koh chhàm-gú lâi lūn-khi choē-choē peh-siⁿ, choē-choē pang kok, choē-choē khiuⁿ-kháu, choē-choē kun-ông ê sū.

11 Ū hō· goá chit ki lô·tek chhin-chhiūⁿ koáiⁿ-á, kóng, Lí khi-lâi, niū Siōng-tè ê tiān, kap chē-toāⁿ, í-kip tī hia keng-pài ê lâng. ²Tiān-goā ê iⁿ pàng-hē teh, bôh-tit niū i; in-ūi í-keng hō· goā-pang lâng; in beh thún-táh sèng-siāⁿ, sì-cháp-jí gēh-jít. ³Goá beh siúⁿ-sù goá nng ê kan-cheng ê, in beh chheng môa-pò· thoân tō-lí, kiông chit-chheng nng-pah lāk-cháp jít. ⁴Che chiū-sī hit ê nng chāng kaⁿ-ná chhiū, kap nng ê teng-tâi, chiū-sī khiā tī choân toē ê Chú ê bīn-cheng ê. ⁵Nā ū lâng ài hāi in, chiū ū hé tui in ê chhui chhut-lâi, biát

in ê tui-ték; nā ū lâng ài beh hāi in, tek-khak chhin-chhiūⁿ án-ni siū hāi-sí. ⁶Chí nng lâng ū koân oē koaiⁿ-bát thiⁿ, tī in thoân tō-lí ê jít, hō· i bô lóh hō·; iáh ū koân tī-lí chiah ê chúi, hō· i pìⁿ choē huìh; koh chiàu in só· ài, put-koán sī thang ēng ták iūⁿ ê chai-ē kong-kek toē. ⁷Kàu in kan-cheng beng-pék ê sí, tui chhin-ian chiūⁿ-lâi ê siū beh kap in kau-chiàn, koh beh khah-iāⁿ lâi thāi in.. ⁸In ê sin-si tó tī toā siāⁿ ê koe-lō·; chit ê siāⁿ phì-jū chheng choē Sô·to-má kap Ai-kip, chiū-sī in ê Chú teng sip-jī-kè ê só·chāi. ⁹Koh tui chiah ê peh-siⁿ, chiah ê chong-chók, chiah ê khiuⁿ-kháu, chiah ê pang-kok ê tiong-kan ū lâng saⁿ jít poāⁿ kú khoàⁿ in ê sin-si, koh m̄ chún bāi-chòng in ê sin-si tī bōng-nih. ¹⁰Khiā-khi toē-bīn-chiūⁿ ê lâng chiū ūi-tiòh in hoaⁿ-hí khoài-lók, ēng mih saⁿ-sàng; in-ūi chí nng ê sian-ti bat khùn-khó· khiā-khi toē-bīn-chiūⁿ ê lâng. ¹¹Kè hit saⁿ jít poāⁿ, ū oáh ê khi, tui Siōng-tè chhut ê, lâi jip tī in; in chiū peh-khi-lâi khiā; khoàⁿ-kìⁿ in ê lâng toā kiaⁿ. ¹²In chiū thiaⁿ-kìⁿ tui thiⁿ ū toā siaⁿ, kā in kóng, Chiūⁿ lâi chia; in chiū chē hūn chiūⁿ thiⁿ, in ê tui-ték iáh khoàⁿ-kìⁿ in. ¹³Tng hit sí, toē ū toā tín-tāng, siāⁿ tó cháp hūn ê chit hūn; in-ūi toē-tāng lâi sí ê lâng, ū chhit-chheng miā; kī-ū ê lóng kiaⁿ-hiāⁿ, lâi kui ēng-kng hō· thiⁿ-nih ê Siōng-tè.

¹⁴Te jī ê chai-ē í-keng kè-khi; tē saⁿ ê chai-ē kín-kín kàu.

¹⁵Tē chhit ê thiⁿ-sài pún hō-thâu, chiū tī thiⁿ-nih ū chiah ê toā ê siaⁿ, teh kóng, Sè-kan ê kok chiāⁿ-choē lán ê Chú kap I ê Kì-tok ê kok; I beh choē ông kàu tãi-tãi bô chīn. ¹⁶Tī Siōng-tè ê bīn-cheng, chē tī in chō-ūi ê jī-cháp-si ê tiúⁿ-ló, bīn phak-lòh-lâi pài Siōng-tè, ¹⁷kong, Chú Siōng-tè ah, sī choân-leng ê,

hiân-chāi tī-teh, chá tī-teh ê; goán kám-siā lí, in-ūi lí í-keng chiáng lí ê toā koân lâi choè ông. ¹⁸Goā-pang hoat-chhut siū-khì, lí ê siū-khì iáh lîm-kàu; sí ê lāng siū sím-phoàⁿ, koh lí ê lô-pók chia^h ê sian-ti, kap chia^h ê sèng ê, kap kèng-ùi lí ê miā ê, bô lūn toā soè, lí ēng pò-siūⁿ hō· in; koh pāi-hoāi toē ê, lí iáh pāi-hoāi in; hit ê sí kàu lah.

¹⁹Siōng-tè ê tiān, tī thiⁿ-nîh ê, chiū khui; tī I ê tiān-lāi I ê iok-kūi khoàⁿ hiân-hiân; chiū ū sih-nà, kap siaⁿ, kap lúi tân, toē-tāng, í-kíp toā phauh.

12 Koh ū toā tiāu-thâu chhut-hiân tī thiⁿ-nîh, chit ê hū-jîn-lāng sin-khu chhēng jīt-thâu, i ê kha-ē ū gēh, thâu-khak tī cháp-jī liáp chhiⁿ ê bián-liū; ²iáh ū hoāi-īn; in-ūi beh siⁿ kiáⁿ ê kan-khó, thàng-thiàⁿ, chiū âu-kiò. ³Koh ū pát ê tiāu-thâu chhut-hiân tī thiⁿ-nîh; ū toā bé chhia^h-sek ê lēng, chhit ê thâu, cháp ki kak, thâu-khak tī chhit téng ông-bô. ⁴I ê bé thoa thiⁿ-tég ê chhiⁿ saⁿ hūn ê chit hūn, tui lóh toē. Lēng khiā tī beh siⁿ kiáⁿ ê hū-jîn-lāng ê bīn-chēng, thēng-hāu i siⁿ-liáu, chiū beh thun i ê kiáⁿ. ⁵Hū-jîn-lāng siⁿ ta-po·kiáⁿ, chiū-sī beh ēng thih-koáiⁿ tī-lí bān pang ê. I ê kiáⁿ siū toā kàu tī Siōng-tè í-kíp I ê chō-ūi. ⁶Hū-jîn-lāng chiū cháu-khì không-iá, tī hia ū Siōng-tè só· pī-pān ê só·chāi, hō· i tī hia tit-tiòh iúⁿ-chhiⁿ chit-chheng nng-pah lāk-cháp jīt.

⁷Tī thiⁿ-nîh chiū ū kau-chiàn, Bí-ka-lék chhoā i ê chhe-sài khì kap lēng kau-chiàn; lēng iáh chhoā i ê chhe-sài khì kau-chiàn, ⁸boē oē iāⁿ, tī thiⁿ-nîh in chiū bô koh ū só·chāi. ⁹Hit bé toā lēng chiū siū hiat-lóh, chiū-sī lâu choā, chheng choè Mô·kúi, iáh chheng choè Sat-tàn, bê-hék phó· thiⁿ-ē ê, i siū hiat-lóh tī toē-nîh, i ê chhe-sài iáh kap i siū hiat-lóh. ¹⁰Goá

chiū thiaⁿ-kìⁿ tī thiⁿ-nîh ū toā siaⁿ, kong, Lán ê Siōng-tè ê chín-kiū kap koân-lēng kap kok, í-kíp I ê Ki-tok ê koân, taⁿ lóng kàu lah; in-ūi không-kò lán ê hiaⁿ-tī ê, chiū-sī mī-jīt tī lán ê Siōng-tè ê bīn-chēng không-kò in ê, taⁿ í-keng siū hiat-lóh lah. ¹¹In in-ūi Iūⁿ-ko ê huìh, kap in só· kan-chēng ê tō-lí, lâi khah-iāⁿ i; sui-jian kàu sí, iáh bô thiàⁿ-sioh in ê siⁿ-miā. ¹²Só·í chia^h ê thiⁿ kap khiā-khí tī hit tiong-kan ê, lín tiòh hoaⁿ-hí; nā-sī toē kap hái ū chai-ē, in-ūi Mô·kúi í-keng lóh kàu lín hia, ū toā siū-khì, in-ūi chai i ê sí bô joā kú.

¹³Lēng khoàⁿ-kìⁿ pún-sin siū hiat tī toē-nîh, chiū khún-tiòk hit ê siⁿ ta-po·kiáⁿ ê hū-jîn-lāng. ¹⁴Chiū ū toā eng ê nng ki sít hō· hū-jîn-lāng, hō· i pe khì không-iá, kàu i ê só·chāi, lī-khui choā ê bīn-chēng; tī hia tit-tiòh iúⁿ-chhiⁿ, chit kī-hāu, koh nng kī-hāu, koh poàⁿ kī-hāu. ¹⁵Choā tī hū-jîn-lāng ê āu-bīn, tui i ê chhui thò·chhut chúi chhin-chhiūⁿ hô, beh ká i lâu-khì. ¹⁶Toē pang-chān hū-jîn-lāng; chiū khui chhui thun lēng só· thò·chhut ê hô-chúi. ¹⁷Lēng siū-khì hū-jîn-lāng, chiū khì kap hū-jîn-lāng kī-ū ê hō·-è kau-chiàn, chiū-sī siú Siōng-tè ê kài, ū Iā-so· ê kan-chēng ê; hit sí lēng chiū khiā tī hái-piⁿ ê soa-tég.

13 Goá koh khoàⁿ-kìⁿ chit chia^h siū, tui hái-nîh khí-lâi, ū cháp ki kak, chhit ê thâu, hia^h ê kak tī cháp téng ông-bô; thâu-khak téng ū pòng-tók ê miā. ²Goá só· khoàⁿ-kìⁿ ê siū chhin-chhiūⁿ pà, i ê kha chhin-chhiūⁿ hīm ê kha, chhui chhin-chhiūⁿ sai ê chhui. Lēng ēng i ê chāi-lēng, i ê chō-ūi, kap toā koân hō· i. ³Goá iáh khoàⁿ-kìⁿ hia^h ê thâu-khak ê chit-ē, chhin-chhiūⁿ siū thāi kàu sí, i tī-kàu sí ê siong tit-tiòh i-hó; thong sè-kài kī-koài lâi tē hit chia^h siū; ⁴koh pài lēng, in-ūi i bat ēng koân hō· siū; iáh pài siū, kóng, Chī-chui

chhin-chhiūⁿ siū ah? koh chī-chūi oē kap i kau-chiàn ah? ⁵Koh ū chit ê chhui hō· i, teh kóng toā sū kap pòng-tók ê oē; koh ū hō· i koân lâi kiāⁿ tãi-chì sî-cháp-jī gēh-jit. ⁶I chiū khui chhui, kóng-chhut pòng-tók Siōng-tè ê oē, lâi pòng-tók I ê miâ, kap I ê hoē-bō·, kap hiah ê tiàm tī thiⁿ-nih ê. ⁷Koh ū hō· i koân, thang kap sèng-tô· kau-chiàn, lâi khah-iāⁿ in; koh ū hō· i koân lâi tī-lí ták chióng-chók, ták hō peh-siⁿ, ták hō khiuⁿ-kháu, ták pang-kok. ⁸Khiā-khí toē-bīn-chiūⁿ ê lāng, in ê miâ bô kì tī oáh-miâ chheh ê, lóng beh pài siū; chit ê chheh chiū-sī tùi chhòng-chō sè-kan ê sī siū thài ê Iūⁿ-ko ê. ⁹Hoān-nā ū hī-khang ê tióh thiaⁿ. ¹⁰Nā ū liáh lāng ê, iáh beh hō· lāng liáh; ēng to thài lāng ê, iáh beh siū to thài; sèng-tô· ê thun-lún kap sìn chāi-tī chit-ê.

¹¹Goá koh khoàⁿ-kìⁿ pát chiaⁿ siū tùi toē-nih khí-lâi, ū nng ki kak chhin-chhiūⁿ iūⁿ-ko, i ê kóng oē chhin-chhiūⁿ lêng. ¹²Koh chiong thâu-chit chiaⁿ siū ê koân, lóng kiāⁿ tī i ê bīn-chêng. Koh hō· toē kap khiā-khí toē-chiūⁿ ê lāng pài thâu-chit chiaⁿ siū; chiū-sī hit chiaⁿ tú-tiòh tì-kàu sí ê siong, koh tit-tiòh i-hó ê. ¹³Koh kiāⁿ toā sîn-jiah, sīm-chì tī lāng ê bīn-chêng hō· hé kàng-lòh toē. ¹⁴Koh tùi i só· tit-tiòh kiāⁿ tī siū ê bīn-chêng chiaⁿ ê sîn-jiah, lâi bê-hék khiā-khí toē-chiūⁿ ê lāng; kâ khiā-khí toē-chiūⁿ ê lāng kóng, tióh kâ hit chiaⁿ tú-tiòh to siong iū-goân oáh-teh ê siū choē siōng. ¹⁵Koh ū koân hō· i thang ēng oáh-khì jlp tī siū ê siōng; hō· siū ê siōng oē kóng oē, iáh hō· kìⁿ-nā bô pài siū ê siōng ê tú-tiòh thài. ¹⁶I iáh hō· cheng lāng; bô lūn toā soē, hó-giáh sòng-hiong, chū-iū ê, choē lô·pók ê, lóng siū khàm-in ê kì-hō, hék-sī tī chiāⁿ chhiú, á-sī tī thâu-hiáh. ¹⁷Lāng nā bô hit ê khàm-in ê kì-hō, chiū-sī siū ê miâ, á-sī

i ê miâ siàu-giáh, chiū boē tit-tiòh boé-boē. ¹⁸Tī-sek chāi-tī che; ū chhang-miâ ê, tióh sng siū ê siàu-giáh; in-ūi sī lāng ê siàu-giáh; i ê siàu-giáh chiū-sī lāk-pah lāk-cháp-lāk.

14 Goá koh khoàⁿ, khoàⁿ-kìⁿ Iūⁿ-ko khiā tī Sūn-soaⁿ, kap I tī-teh ê, ū cháp-sì-bān sì-chheng lāng; lóng ū Iūⁿ-ko ê miâ, kap I ê Pē ê miâ, siá tī in ê thâu-hiáh. ²Goá thiaⁿ-kìⁿ tùi thiⁿ ū siaⁿ, chhin-chhiūⁿ choē-choē tiâu chúi ê siaⁿ, iáh chhin-chhiūⁿ lūi toā tán ê siaⁿ; koh goá só· thiaⁿ ê siaⁿ, ū chhin-chhiūⁿ toāⁿ khim ê teh toāⁿ in ê khim: ³in tī chō-ūi cheng, iáh tī sì ê oáh mih kap tiūⁿ-ló ê bīn-cheng, só· gīm ê chhin-chhiūⁿ sin ê si; hit ê si bô lāng oē hák-slp, tók-tók tùi toē-chiūⁿ siū boé chhut ê cháp-sì-bān sì-chheng lāng oē nā-tiāⁿ. ⁴Chiah ê lāng sī m bat bak-tiòh lú-sek ê, sī cheng-kiat ê lāng; chiaⁿ ê lāng sī tē Iūⁿ-ko, bô lūn tá-lòh khi; chiaⁿ ê lāng sī tùi lāng ê tiong-kan siū boé chhut, choē khí-thâu sék ê ké-chí, hiàn hō· Siōng-tè kap Iūⁿ-ko ê. ⁵In ê chhui bô pēh-chhát, in sī bô hā-chhū ê.

⁶Goá koh khoàⁿ-kìⁿ pát ê thiⁿ-sài, pe tī thiⁿ-tiong; ū éng-oán ê hok-im thang thoân hō· tiàm tī toē-nih ê lāng; iáh hō· ták pang-kok, ták chióng-chók, ták hō khiuⁿ-kháu, ták iūⁿ peh-siⁿ; ⁷i toā siaⁿ kóng, Tióh keng-ùi Siōng-tè, chiong êng-kng kui hō· I, in-ūi I sím-phoàⁿ ê sī kàu lah; iáh tióh pài hit ê chhòng-chō thiⁿ, toē, hái, í-kíp chiaⁿ ê chúi-choāⁿ ê.

⁸Koh ū pát ê thiⁿ-sài, sī tē jī ê, tē tī āu-bīn kóng, Tó-hoāi ah, tó-hoāi ah, toā ê Pa-pí-lūn, chiū-sī hō· bān pang lim i im-loān jiá-tiòh siū-khì ê chiú ê.

⁹Koh ū pát ê thiⁿ-sài, tē saⁿ ê, tē in, toā siaⁿ kóng, Nā ū pài siū kap i ê siōng, í-kíp siū khàm-in ê kì-hō tī thâu-hiáh á-sī tī i ê chhiú-nih ê, ¹⁰i iā beh lim Siōng-tè toā siū-

khì ê chiú, chiū-sī bô thau ê, thân tī I siū-khì ê chiú-poe; koh beh tī sèng thiⁿ-sài ê bīn-chêng kap Iūⁿ-ko ê bīn-chêng siū-tiòh hé kap jiū-âng ê khó·chhó·. ¹¹In siū khó·chhó· ê ian chhèng chiūⁿ koàiⁿ, tãi-tãi bô soah. Koh pài siū kap i ê siōng, í-kíp siū i ê miâ khàm-lìn ê kì-hō ê, jít-mi bô thang tit-tiòh an-hioh. ¹²Sèng-tô· ê thun-lún sī chāi-tī chit-ê; che chiū-sī siú Siōng-tè ê kài kap siú Iā-so· ê sìn ê.

¹³Goá thiaⁿ-kìⁿ tui thiⁿ ũ siaⁿ kóng, Lí tiòh siá i, Taⁿ í-āu tī Chú lāi sí ê sí-lâng ũ hok-khì; Sèng Sīn kóng, Sī lah, hō· in soah in ê tiòh-boā lāi an-hioh, in só· choè ê kang iā tē in.

¹⁴Goá koh khoàⁿ, khoàⁿ-kìⁿ ũ pēh ê hūn, ũ chhin-chhiūⁿ Jīn-chú ê chē tī hūn ê téng-bīn, thau-khak tī kim ê bián-liū, chhiú kiáh lāi ê koeh-á. ¹⁵Koh ũ pát ê thiⁿ-sài tui tiān-nih chhut-lāi, tui hit ê chē tī hūn ê téng-bīn ê toā siaⁿ kiò kóng, Tiòh chhun-chhut lí ê koeh-á lāi koah; in-ūi siu-koah ê sí í-keng kàu; sī toē-chiūⁿ ê ngó·kok í-keng sèk lah. ¹⁶Chē tī hūn-nih ê chiū hiat I ê koeh-á tī toē-nih; toē-chiūⁿ ê ngó·kok chiū siu-koah.

¹⁷Koh ũ pát ê thiⁿ-sài tui thiⁿ-nih ê tiān chhut-lāi, i iā kiáh lāi ê koeh-á. ¹⁸Koh ũ pát ê thiⁿ-sài tui chē-toāⁿ chhut-lāi, chiū-sī ũ koān thang tī-lí hé ê, toā siaⁿ tui kiáh lāi koeh-á ê kiò kóng, Chhun-chhut lí lāi ê koeh-á, siu toē-chiūⁿ kui kiū ê phū-tô, in-ūi phū-tô kàu-chúi lah. ¹⁹Thiⁿ-sài chiū hiat i ê koeh-á tī toē-nih, lāi siu toē-chiūⁿ ê phū-tô, hiat-lóh Siōng-tè toā siū-khì ê chiú-khut. ²⁰Hit ê chiú-khut tī siāⁿ-goā siū táh, chiū ũ huìh tui chiú-khut chhut, koàiⁿ kàu tú-tiòh bé-kā-kiuⁿ, hng iok-liók lāk-pah lí.

15 Goá koh khoàⁿ-kìⁿ pát ê tiāu-thau tī thiⁿ-nih, toā koh kī-koài, chiū-sī chhit ê thiⁿ-

sài ũ chiáng chhit hāng chai-ê; chiū-sī lō·bé ê, in-ūi Siōng-tè ê toā siū-khì tui chiah-ê lāi chīn.

²Goá koh khoàⁿ-kìⁿ po-lê kap hé saⁿ-chham ê hái; koh khoàⁿ-kìⁿ hiah ê tek-sèng lāi thoat-lī siū, kap i ê siōng, í-kíp i ê miâ ê siāu-giáh ê, khiā tī po-lê hái, lóng thèh Siōng-tè ê khim. ³Gim Siōng-tè lô·pók Mô·se ê si, kap Iūⁿ-ko ê si, kóng, Chú Siōng-tè, choān-lêng ê ah, lí ê só· choè toā koh kī-koài; lèk sè-tāi ê Ông ah, lí ê tō-lō· gī koh chin-sít. ⁴Chú ah, chī-chui m keng-ùi kui êng-kng lí ê miâ ah? in-ūi tók-tók lí sī sèng; liát-pang beh lóng lāi keng-pài tī lí ê bīn-chêng, in-ūi lí kong-gī ê só· kiāⁿ í-keng hián-bèng.

⁵Chiah ê tãi-chi liáu-āu, goá khoàⁿ-kìⁿ, tī thiⁿ-nih hit ê choè cheng-kù ê hoē-bō· ê tiān í-keng khui. ⁶Hiah ê chhit ê thiⁿ-sài, ũ teh chiáng chhit hāng chai-ê ê, tui tiān chhut-lāi, seng-khu chhēng pó-chiòh, chheng-liāng koh kng-bēng, heng-khám hā kim toā. ⁷Sì ê oáh mih ê chit ê chiong chhit ê kim óaⁿ hō· hit chhit ê thiⁿ-sài, lāi-bīn toē-moá hit ê oáh kàu tãi-tāi bô chīn ê Siōng-tè ê toā siū-khì. ⁸Tui Siōng-tè ê êng-kng kap I ê koān-lêng, chiū tiān-nih ũ ian moá-moá. Koh bô lāng oē jip tiān, theng-hāu kàu chhit ê thiⁿ-sài chhit hāng ê chai-ê kiāⁿ chīn.

16 Goá thiaⁿ-kìⁿ ũ toā siaⁿ tui tiān-nih chhut, kā chhit ê thiⁿ-sài kóng, Lín khi, chiong hiah ê toē Siōng-tè toā siū-khì ê chhit ê óaⁿ, piāⁿ tī toē-nih.

²Thau-chit ê chiū khi, chiong i ê óaⁿ piāⁿ tī toē-nih; chiū ũ ok-tók ê chng siⁿ tī hiah ê ũ siū ê kì-hō ê, kap pài i ê siōng ê.

³Tē jī ê chiong i ê óaⁿ piāⁿ tī hái-nih; hái chiū pìⁿ choè chhin-chhiūⁿ sí-lâng ê huìh, hái-tiong ê oáh mih it-chīn sí.

⁴Tē saⁿ ê chiong i ê oáⁿ piàⁿ tī kang-hô kap chiaⁿ ê chúⁱ choáⁿ; chúⁱ chiū pìⁿ choè huìh.
⁵Goá thiaⁿ-kìⁿ chiáng chiaⁿ ê chúⁱ ê thiⁿ-sàⁱ kóng, Hiān-chāi tī-teh, chá tī-teh, sèng ê ah, lí sī kong-gī, in-ūi lí án-ni sím-phoàⁿ. ⁶In-ūi in bat lâu sèng-tô[·] kap sian-ti ê huìh; taⁿ lí ēng huìh hō[·] in lim, sī in só[·] eng-kai ê. ⁷Goá koh thiaⁿ-kìⁿ chè-toāⁿ teh kóng, Chú Siōng-tè, choān-lêng ê ah, sī ah; lí ê sím-phoàⁿ sī chin-sít koh kong-gī.

⁸Tē sī ê chiong i ê oáⁿ piàⁿ tī jīt-thâu; chiū hō[·] jīt-thâu oē ēng hé pek lāng. ⁹Lāng siū toā ê iām-jiát só[·] pek, chiū pòng-tók hit ê ū koān teh chiáng-lí chiaⁿ ê chai-ē ê Siōng-tè ê miā, koh bô hoán-hoé lâi kui êng-kng I.

¹⁰Tē gō[·] ê chiong i ê oáⁿ piàⁿ tī siū ê chō-ūi; siū ê kok sūi-sí o[·]-àm. ¹¹Lāng in-ūi kan-khó[·] chiū ká in ê chíh; koh in-ūi in ê kan-khó[·] kap in ê chhng-tók, chiū pòng-tók thiⁿ-nìh ê Siōng-tè, iā bô hoán-hoé in ê só[·] kiáⁿ.

¹²Tē lāk ê chiong i ê oáⁿ piàⁿ tī Pek-lat toā hô; i ê chúⁱ liām-piⁿ ta-khì, beh ūi-tióh tang-hng ê liát-ông lâi pī-pān lō[·]. ¹³Goá koh khoàⁿ-kìⁿ ū saⁿ ê ù-oè ê sîn, chhin-chhiūⁿ chhân-kap-á tui lêng ê chhui, kap siū ê chhui, kap ké sian-ti ê chhui chhut-lâi. ¹⁴In chiū-sī chiaⁿ ê kúi ê sîn, oē kiáⁿ sîn-jiah ê, chhut-lâi chiū-kūn phó[·]-thiⁿ-ē ê ông, chio-chíp in tī choān-lêng Siōng-tè ê toā jīt-kí ê kau-chiàn. ¹⁵Lí khoàⁿ, goá lâi chhin-chhiūⁿ chhát; keng-séng lâi kò[·]-siú i ê saⁿ, bián-tit thng-theh lâi kiáⁿ, hō[·] lāng khoàⁿ-kìⁿ i ê kiàn-siàu ê, chiū ū hok-khì.) ¹⁶Hit saⁿ ê chiū chio-chíp liát-ông tī chit ê só[·]-chāi, Hi-pek-lâi ê im kiò choè A-má-gék-tùn.

¹⁷Tē chhit ê chiong i ê oáⁿ piàⁿ tī khong-khì; chiū ū toā siaⁿ tui tiān-lāi tui chō-ūi chhut, kóng, Chiāⁿ lah. ¹⁸Chiū ū sih-nà, ū

siaⁿ, ū lúi tân, toē iáh toā tín-tāng, tui toē-chiūⁿ ū lāng kàu taⁿ, bē ū toē-tāng chhin-chhiūⁿ án-ni ê toā. ¹⁹Toā siāⁿ chiū lih choè saⁿ ê, liát-pang chiaⁿ ê siāⁿ iáh tó-hoāi; Siōng-tè iáh kì-tit toā siāⁿ Pa-pí-lūn, chiū chiong poe toé I kék toā siū-khì ê chiú hō[·] i. ²⁰Ták ê hái-sū lóng tô-cháu, chiaⁿ ê soaⁿ lóng bô-khì. ²¹Koh ū toā phauh tui thiⁿ kàng-lòh tī lāng, ták liáp tāng kúi-nā chấp kun; lāng in-ūi phauh ê chai-ē, chiū pòng-tók Siōng-tè, in-ūi hit ê chai-ē chin toā.

17 Hiah ê thêh chhit tē oáⁿ ê chhit ê thiⁿ-sàⁱ, kí-tiong chit-ê lâi kap goá kóng oē, kóng, Lâi, goá beh chiong hit ê chē tī choē-choē tiâu chúⁱ ê toā im-hū só[·] beh siū ê sím-phoàⁿ hō[·] lí khoàⁿ; ²toē-chiū chiaⁿ ê ông bat kap i kiáⁿ-im; khiā-khí toē-chiūⁿ ê lāng, í-keng tui i im-loān ê chiú lâi chui. ³Goá siū Sîn ê kám-tōng, hō[·] thiⁿ-sàⁱ chhoā goá khi không-iá; goá chiū khoàⁿ-kìⁿ ū hū-jîn-lāng khiā chu-âng sek ê siū; hit chiaⁿ siū piàn-sin ū pòng-tók ê miā, ū chhit ê thâu, chấp ki kak. ⁴Hū-jîn-lāng chhēng chí-sek kap chu-âng sek ê saⁿ, ēng kim, pó-chiòh, chin-chu lâi chng-thāⁿ; chhiú-nìh ū kim ê poe, toé chiaⁿ ê khó[·]-òⁿ ê mih, í-kíp i im-loān ê ù-oè moá-moá. ⁵Ū miā siá tī i thâu-hiáh, kóng, Ò-biāu, toā ê Pa-pí-lūn, chiū-sī toē-chiūⁿ chiaⁿ ê im-hū kap chiaⁿ ê khó[·]-òⁿ ê mih ê lâu-bú. ⁶Koh khoàⁿ-kìⁿ chit ê hū-jîn-lāng lim sèng-tô[·] ê huìh, í-kíp kan-chèng Iā-so[·] ê huìh kàu chui; goá khoàⁿ-kìⁿ, chiū toā kí-koài. ⁷Thiⁿ-sàⁱ ká goá kóng, Lí siáⁿ-sū kí-koài? goá beh chiong hū-jîn-lāng kap i só[·] khiā chhit ê thâu-khak chấp ki kak ê siū ê ó-biāu, ká lí kóng. ⁸Lí só[·] khoàⁿ-kìⁿ ê siū, chá ū, taⁿ bô, āu-lâi beh tui chhim-ian kí-lâi, chiū kui tī tīm-lūn; khiā-khí tī toē-chiūⁿ ê lāng, in ê miā tui chhòng-chō sè-kan

ê sī bô kī tī oáh-miā ê chheh ê, khoàⁿ-kìⁿ hit chiah siù, chá ũ, taⁿ bô, iáh beh koh tī-teh, chiū beh kī-koài. ⁹Ū tī-hūi ê sim chāi-tī chit-ê. Chhit ê thâu-khak sī chhit chō soaⁿ, chiū-sī hū-jîn-lâng só· chē tī hit téng-bīn ê. ¹⁰Koh sī chhit ê ông; gō·ê í-keng tó, chit-ê hiān-chāi tī-teh, chit-ê iáu-bē kàu; i nā kàu, chiū tek-khak chiām-sī tī-teh. ¹¹Hit ê chá ũ, hiān-chāi bô ê siù chiū-sī tē poeh ê, iā sī hit chhit ê chāi-lāi, iā kui tī tīm-lūn. ¹²Lí só· khoàⁿ-kìⁿ chấp ki kak chiū-sī chấp ê ông, bē bat tit-tiòh kok ê, tók-tók beh kap siù saⁿ-kap tit-tiòh koân chhin-chhiūⁿ ông poàⁿ sī kú. ¹³In lóng tâng ì-sù chiong ka-kī ê chāi-lêng kap koân-pèng hō· siù. ¹⁴In beh kap Iūⁿ-ko kau-chiàn, Iūⁿ-ko beh khah-iāⁿ in, in-ūi I sī bān chú ê Chú, bān ông ê Ông; kap I tī-teh ê iā beh khah-iāⁿ, in-ūi in sī siū tiâu, siū keng, tiong-sin ê lêng. ¹⁵Thiⁿ-sài koh ká kóng, Lí só· khoàⁿ-kìⁿ lóng-chóng ê chui, im-hū só· chē ê, chiū-sī chiah ê peh-siⁿ, chiah ê cheng lêng, chiah ê pang-kok, chiah ê khiuⁿ-kháu. ¹⁶Koh lí só· khoàⁿ-kìⁿ ê hit chấp ki kak, kap hit chiah siù, beh oàn-hūn chit ê im-hū, iā beh hō· i lêng-chēng thng-theh, koh beh chiáh i ê bah, ēng hé it-chīn sio i. ¹⁷In-ūi Siōng-tè bat hō· in ū chit hō sim lái chiāⁿ I ê chí-ì, koh tâng-sim chiong in ê kok hō· siù, theng-hāu Siōng-tè ê oē èng-giām. ¹⁸Lí só· khoàⁿ-kìⁿ ê hū-jîn-lâng chiū-sī hit ê teh koán-lí toē-chiūⁿ liát-ông ê toā siāⁿ.

18 Chiah ê tãi-chì liáu-āu goá khoàⁿ-kìⁿ pát ê thiⁿ-sài tui thiⁿ lóh-lāi, ū toā koân-pèng; toē-chiūⁿ tui i ê êng-kng lái kng. ²I toā siāⁿ kiò kóng, Toā ê Pa-pí-lūn tó-hoāi lah, tó-hoāi lah; taⁿ chiāⁿ-choē kúi khiā-khí ê só·chāi, kap lóng-chóng ù-oē ê sīn ê kaⁿ-lô, í-kíp lóng-chóng bô chheng-khì khó·òⁿ ê chiáu ê

chiáu-lâng. ³In-ūi bān pang tui i im-loān jiá-tiòh siū-khì ê chiú lái tó-hoāi, toē-chiūⁿ chiah ê ông bat kap i kiāⁿ kan-im, toē-chiūⁿ chiah ê seng-lí lêng í-keng tui i ê chhia-hoā kàu kék, tì-kàu hó-giáh.

⁴Goá koh thiaⁿ-kìⁿ tui thiⁿ ū pát ê siaⁿ kóng, Goá ê peh-siⁿ ah, tiòh tui hia chhut-lāi, bián-tit ū hūn i ê choē, iā bián-tit siū i ê chai-ē. ⁵In-ūi i ê choē tú thiⁿ; i ták hō ê put-gī Siōng-tè kī-tit. ⁶Tiòh chiáu i khoán-thāi lêng ê lái khoán-thāi i; chiáu i ê só· kiāⁿ ka-pē pò-èng i; tī i só· tiau-hô ê poe, taⁿ iā ka-pē tiau-hô lái hō· i. ⁷I bat cháiⁿ-iūⁿ êng-kng ka-kī lái chhia-hoā, taⁿ hō· i kan-khó· pi-ai iā chiáu án-ni. In-ūi i sim-lāi kóng, Goá sī chē-teh choē ông, pèng m̄ sī koáⁿ-hū, koat-toàn boē tú-tiòh pi-ai. ⁸Só·-í chit jít ê tiong-kan i ê chai-ē lóng beh kàu, chiū-sī sí-bô, pi-ai, ki-hng, i iā beh hō· hé sio-liò-khì, in-ūi sím-phoàⁿ i ê Chú Siōng-tè chiū-sī toā khui-lát ê. ⁹Toē-chiūⁿ chiah ê ông pèng-sò· kap i kiāⁿ kan-im lái chhia-hoā ê, khoàⁿ-kìⁿ sio i ê ian, chiū ūi-tiòh i pi-siong thi-khau, ¹⁰in-ūi kiaⁿ i ê kan-khó· chiū hng-hng khiā-teh kóng, Chhám ah, chhám ah, toā siāⁿ Pa-pí-lūn, kian-kò· ê siāⁿ ah, in-ūi it-sī-kan lí ê sím-phoàⁿ kàu lah. ¹¹Toē-chiūⁿ chiah ê seng-lí lêng iā ūi-tiòh i pi-siong ai-chhám, in-ūi bô lêng koh boē in ê hē, ¹²chiū-sī kim, gūn, pó-chiòh, chin-chu, iù-koah, chí-sek, si-tiū, chu-âng, chiah ê hē; kap ták hō ê huiⁿ-chhâ, ták hō chhiūⁿ-gē ê khi-kū, ták hō kúi-khì ê chhâ, tâng, thih, pēh-chiòh ê khi-kū, ¹³iā ū jiók-khì, tō·khò·, huiⁿ-liáu, huiⁿ-iū, jú-huiⁿ, chiú, iū, iù-mī, bēh, gū, iūⁿ, bé, chhia, lô·pók, í-kíp lêng ê lêng-hūn. ¹⁴Lí ê sim só· ì-ài ê ké-chí í-keng lī-khui lí, lí ê hó-chiáh kap hó-khoàⁿ ê mih lóng bô-khì, koat-toàn bô koh khoàⁿ-kìⁿ. ¹⁵Choē chiah ê mih

ê seng-lí lāng, tùi i tit-tiòh hó-giáh ê, in-ūi kiaⁿ i ê kan-khó· beh hng-hng khiā, ¹⁶pi-siong ai-chhám, kóng, Chhám ah, chhám ah, chit ê toā siāⁿ, pêng-sò· chhēng iù-koah, chí-sek, chu-âng-sek ê saⁿ, ēng kim, pó-chiòh, chin-chu chng-thāⁿ ê, ¹⁷in-ūi it-sî-kan kàu hiah toā ê hó-giáh pìⁿ choè hong-hoè. Ták ê tãi-kong, kap tah chûn khi ták só·-chāi ê, kap chúi-siú, lián tī hái-nih thàn chiáh ê, lóng hng-hng teh khiā, ¹⁸khoàⁿ-kìⁿ sio i ê ian, chiū âu-kiò, kóng, Tá-lóh chit ê siāⁿ chhin-chhiūⁿ chit ê toā siāⁿ ah? ¹⁹Koh ēng tín-ai sám thâu-khak, pi-siong ai-chhám âu-kiò, kóng, Chhám ah, chhám ah, chit ê toā siāⁿ, hoān ũ chûn tī hái-nih ê lóng tùi i ê hong-sēng lāi tì-kàu hó-giáh, in-ūi it-sî-kan chiāⁿ-choè hong-hoè. ²⁰Thiⁿ ah, chiah ê sēng-tô· kap sian-ti ah, lín thang in-ūi i lāi hoaⁿ-hí; in-ūi Siōng-tè chiong lín só· siū ê sím-phoàⁿ lāi sím-phoàⁿ i.

²¹Ū chit ê toā khui-lát ê thiⁿ-sài giā chiòh chhin-chhiūⁿ toā ê chiòh-bō, hiat i tī hái-nih, kóng, Pa-pí-lún toā siāⁿ iā beh chhin-chhiūⁿ án-ni toā-tim siū hiat-lòh, koat-toàn boē koh khoàⁿ-kìⁿ. ²²Toāⁿ khim, chok-gák, pún siau, pún hō-thâu ê siaⁿ-im koat-toàn bô koh thiaⁿ-kìⁿ tī lí ê tiong-kan; ták iūⁿ kang-gē ê sai-hū koat-toàn bô koh khoàⁿ-kìⁿ tī lí ê tiong-kan, oe bō ê siaⁿ koat-toàn bô koh thiaⁿ-kìⁿ tī lí ê tiong-kan; ²³teng ê kng koat-toàn bô koh chiò tī lí ê tiong-kan; sin-kiáⁿ-sài kap sin-niū ê siaⁿ koat-toàn bô koh thiaⁿ-kìⁿ tī lí ê tiong-kan. In-ūi lí ê seng-lí lāng pêng-sò· choè toē-chiūⁿ ê chun-kui ê; bān kok iā tui lí ê siā-sút lāi siū bê-hék. ²⁴Koh sian-ti kap sēng-tô· kap toē-chiūⁿ it-chhè siū thāi ê lāng ê huìh lóng tī chit ê siāⁿ chhē-tiòh.

19 Chiah ê tãi-chi liáu-āu, goá thiaⁿ-kìⁿ tī thiⁿ-nih ũ chhin-chhiūⁿ kui toā tīm lāng ê toā

siaⁿ kóng, A-lī-lū-iā; chín-kiù, ēng-kng, koān-lēng lóng sī lán ê Siōng-tè ê; ²sī I ê sím-phoàⁿ chin-sit koh kong-gī; in-ūi I bat sím-phoàⁿ hit ê toā im-hū, chiū-sī ēng i ê im-loān pāi-hoāi toē-chiūⁿ ê; koh tùi i thó lāu I ê lô·pók ê huìh ê choē, lāi sin in ê oan. ³In koh-chài kóng, A-lī-lū-iā. Sio i ê ian chhēng chiūⁿ koāiⁿ, kàu tãi-tāi bô chīm. ⁴Hit jī-cháp-sì ê tiúⁿ-ló kap sī ê oáh mih phak-lòh kèng-pài chē tī chō-ūi ê Siōng-tè kóng, À-bēng, A-lī-lū-iā. ⁵Ū siaⁿ tui chō-ūi chhut-lāi kóng, Hoān-nā lín choè lán ê Siōng-tè ê lô·pók, lāi kèng-ūi I ê, bô lūn toā soè lóng tiòh o-ló I. ⁶Goá thiaⁿ-kìⁿ ũ chhin-chhiūⁿ kui toā tīm lāng ê siaⁿ, chhin-chhiūⁿ choē-choē tiâu chúi ê siaⁿ, chhin-chhiūⁿ lūi toā tân ê siaⁿ, kóng, A-lī-lū-iā; in-ūi Chú, lán ê Siōng-tè choān-lēng ê, choè ông lah. ⁷Lán tiòh hoaⁿ-hoaⁿ hí-hí, chiong ēng-kng kui hō· I; in-ūi Iūⁿ-ko hun-in ê kī í-keng kàu, I ê sin-niū í-keng ka-kī pī-pān hó lah. ⁸Chiū ũ hō· i chhēng kng-bēng chheng-khi ê iù-koah pò·; in-ūi iù-koah pò· sī sēng-tô· só· kiāⁿ ê gī. ⁹Koh kā goá kóng, Lí tiòh siá i, Kìⁿ-nā siū tiâu lāi hū Iūⁿ-ko ê hun-iān ê, ũ hok-khi. Koh kā goá kóng, chiah-ê sī Siōng-tè chin-sit ê oē. ¹⁰Goá chiū phak tī i ê kha-chēng beh pài i. I kā goá kóng, Chhian-bān m̄ thang; goá kap lí í-kíp lí ê hiaⁿ-tī u Iā-so· ê kan-chèng ê, pīⁿ-pīⁿ sī choè lô·pók; lí tiòh pài Siōng-tè; in-ūi Iā-so· ê kan-chèng chiū-sī sian-ti ê sīn.

¹¹Goá koh khoàⁿ-kìⁿ thiⁿ khui, chiū khoàⁿ-kìⁿ ũ chit chiah pēh bé, khiā i ê chheng choè Tiong-sin Chin-sit; I ê sím-phoàⁿ kap kau-chiān bô m̄ kong-gī. ¹²I ê bák-chiu sī hé-iām; thâu-khak téng tì choē-choē ông-bō; koh ũ miā siá-teh, tū-khi I pún-sin í-goā bô lāng oē bat. ¹³I chhēng hiū huìh ê saⁿ; I ê miā chheng choè Siōng-tè ê Tō. ¹⁴Tī thiⁿ-nih ê kun-peng

khiā pèh bé lái tè I, lóng chhēng iù-koah, pèh koh chheng-khì. ¹⁵Koh ũ lái kiām tùi I ê chhui chhut, thang ēng i lái phah liat-pang; I iā beh ēng thih-koáiⁿ tī-lí in; I iā beh tǎh choân-lêng ê Siōng-tè toā siū-khì ê chiú-khut. ¹⁶Tī I ê saⁿ kap kha-thúi ũ siá chit ê miâ kóng, Bān ông ê Ông, bān chú ê Chú.

¹⁷Goá koh khoàⁿ-kìⁿ chit ê thiⁿ-sài khiā tī jīt-thâu ê tiong-ng, toā siaⁿ âu-kiò, kā thiⁿ-tiong lóng-chóng ê pe-chiáu kóng, ¹⁸Lái chū-chíp hù Siōng-tè ê toā iân-siáh, thang lái chiaáh chiah ê ông ê bah, chhian-chóng ê bah, ióng-sū ê bah, bé kap khiā bé ê lāng ê bah, hoān-nā chū-iū ê, choè lô·pók ê, sī-soè sī-toā ê bah.

¹⁹Goá koh khoàⁿ-kìⁿ siū kap toē-chiūⁿ chiah ê ông kap in ê kun-peng lóng chū-chíp, beh kap khiā bé ê í-kíp I ê kun-peng kau-chiàn. ²⁰Siū chiū siū liáh, hit ê ké ê sian-ti iā kap i tâng siū liáh, chiū-sī chēng bat tī siū ê bīn-chēng kiāⁿ sīn-jiah, lái bê-hék hiah ê siū-tiòh siū ê kì-hō, í-kíp pài siū ê siōng ê, chí nng ê oáh-oáh hiat tī jiū-ng teh sio ê hé-ô. ²¹Kí-û ê hō· hit ê khiā-bé ê chhui-lái só· chhut ê kiām thài-sí in. chēng chiáu lóng chiaáh in ê bah kàu pá.

20 Goá koh khoàⁿ-kìⁿ thiⁿ-sài tùi thiⁿ lóh-lái, chhiú-nh̄ ũ chhim-ian ê só-sí, kap toā tiâu thih-liān. ²Chiū liáh hit bé lêng, chiū-sī lâu choā, iā sī Mô·kúi kap Sat-tàn, pák i chit-chheng nī kú. ³hiat i lóh chhim-ian, koaiⁿ-bát, ēng in hong tī hit téng-bīn, hō· i bô thang koh bê-hék liat-pang, thēng-hāu chit-chheng nī moá; í-āu tek-khak chiām-sī tháu-pàng.

⁴Goá koh khoàⁿ-kìⁿ hiah ê chō-ūi, iā ũ chē tī hit téng-bīn ê, ũ tit-tiòh sīm-phoàⁿ ê koân hō· in: koh khoàⁿ-kìⁿ hiah ê ũi-tiòh choè Iā-so· ê kan-chēng kap ũi-tiòh Siōng-tè ê tō lái

siū thài-thâu ê lāng ê lēng-hūn, í-kíp m̄ bat pài siū kap siū ê siōng, iā bô siū i ê kì-hō tī thâu-hiáh á-sī tī chhiú-nh̄ ê, chiah-ê lóng tit-tiòh oáh, lái kap Kí-tok choè ông chit chheng nī. ⁵Kí-û ê sí-lāng bô oáh, thēng-hāu hit ê chit chheng nī moá. Che sī thâu chit pái ê koh-oáh. ⁶Ū hūn tiē thâu chit pái ê koh-oáh ê ũ hok-khì ah, sī sēng ah; tē jī pái ê sí koán in boē tiòh: in beh choè Siōng-tè kap Kí-tok ê chē-si, iā beh kap I choè ông chit chheng nī.

⁷Hit ê chit chheng nī moá, Sat-tàn beh siū tháu-pàng chhut i ê kaⁿ, chiū chhut-lái bê-hék toē-chiūⁿ sì-hng ê liat-pang, chiū-sī Kok kap Má-kok, chū-chíp in lái kau-chiàn; in ê siāu-giáh chhin-chhiūⁿ hái soa. ⁹In chiū khi-lái piàn-moá choân toē, soà ũi-khùn sēng-tō· ê iāⁿ, kap tit-tiòh thiāⁿ ê siāⁿ; chiū ũ hé tùi thiⁿ kàng-lóh, lái biát in. ¹⁰Bê-hék in ê Mô·kúi siū hiat-lóh hé kap jiū-ng ê ô·, tī hia iā ũ siū kap ké ê sian-ti; in beh mī-jīt siū khó·-chhó·, tãi-tãi bô chīn.

¹¹Goá koh khoàⁿ-kìⁿ chit ê pèh-sek toā ê chō-ūi kap chē hit téng-bīn ê, toē kap thiⁿ tùi I ê bīn-chēng tô-cháu bô koh ũ in ê ũi-chhiú. ¹²Goá iā khoàⁿ-kìⁿ sí-lāng toā kap soè lóng khiā tī chō-ūi chēng; chiah ê chheh chiū hian-khui; koh ũ pát pún chheh hian-khui, chiū-sī oáh-miā chheh; sí-lāng chiū chiàu in ê só· kiāⁿ, pín chiah ê chheh só· kì-chài lái siū sīm-phoàⁿ. ¹³Hái chiū kau-chhut i tiong-kan ê sí-lāng; sí kap im-hú iā kau in tiong-kan ê sí-lāng. Ták lāng chiū chiàu in ê só· kiāⁿ siū sīm-phoàⁿ. ¹⁴Sí kap im-hú iā hiat-lóh hé-ô·. Chit-ê chiū-sī tē jī pái ê sí, chiū-sī hé-ô·. ¹⁵Nā ũ lāng bô kì miā tī oáh-miā chheh ê, iā hiat-lóh hé-ô·.

21 Goá koh khoàⁿ-kìⁿ ũ sin ê thiⁿ, sin ê toē; in-ūi chēng ê thiⁿ chēng ê toē í-keng

kè-khì; hái iā bô koh ũ. ²Koh khoàⁿ-kìⁿ sèng siāⁿ, chiū-sī sin ê Iā-lō·sat-léng, chhut tī thiⁿ, tùi Siōng-tè kàng-lôh, í-keng pī-pān piān, chhin-chhiūⁿ sin-niū chng-thāⁿ lâi theng-hāu i ê tiōng-hu. ³Koh thiaⁿ-kìⁿ toā siaⁿ tùi chō-ūi chhut, kóng, Siōng-tè ê hoē-bō· tī lāng ê tiong-kan, Siōng-tè beh kap in saⁿ-kap khiā-khí; in beh choè I ê peh-siⁿ, Siōng-tè pún-sin beh kap in tī-teh, bô beh koh ũ sí-sit; iā lâi choè in ê Siōng-tè. ⁴Koh beh kā in ê bák-chiu chhit-khì lóng-chóng ê bák-sái; bô beh koh ũ ai-siong, âu-kiò, thàng-thiàⁿ; cheng ê tãi-chì í-keng kè-khì. ⁵Chē tī chō-ūi ê kóng, Goá oāⁿ-sin bān mih. Koh kóng, Lí tiòh siá i, in-ūi chiaⁿ ê oē sī thang sin, sī chin-sit. ⁶Koh kā goá kóng, Í-keng chiāⁿ lah; goá chiū-sī A-lī-hoat kap O-bí-ka, sī khí-thâu-ê kap lō·bé-ê. Goá beh tùi oah-miā ê chúi-choāⁿ pèh-pèh hō· chhui-ta ê lāng lim. ⁷Tek-sèng ê lāng beh sêng-chiap chiaⁿ-ê; goá beh choè i ê Siōng-tè, i beh choè goá ê kiáⁿ. ⁸Nā-sī hiah ê sió-tán ê, m̄ sin ê, khó-òⁿ ê, thài lāng ê, im-loān ê, kiāⁿ siā-sút ê, pài ngó·siōng ê, kap lóng-chóng pèh-chhát ê lāng, in ê hūn-giáh sī tī hit ê ēng hé kap jiū-âng teh sio ê ô·; chit-ê chiū-sī tē jī pái ê sí.

⁹Hit chhit ê thiⁿ-sài, chiū-sī ũ chhit tē oáⁿ toé moá lō·bé chhit hāng chai-ē ê, kī-tiong chit-ê lâi kap goá kóng oē, kóng, Lâi, goá beh pò lí khoàⁿ sin-niū, chiū-sī Iūⁿ-ko ê bó·. ¹⁰Goá chiū siū Sîn ê kám-tōng, hō· i chhoā khì chit chō soaⁿ, toā koh koāiⁿ, chiong sèng siāⁿ Iā-lō·sat-léng, chhut tī thiⁿ-nih, tùi Siōng-tè kàng-lôh ê, pò goá khoàⁿ; ¹¹ũ Siōng-tè ê ēng-kng; i ê kng chhin-chhiūⁿ tē it pó-poē ê chiòh, chhin-chhiūⁿ pheh-gék, kng-liāng chhin-chhiūⁿ chúi-chiⁿ. ¹²Ū chhiūⁿ toā koh koāiⁿ ũ cháp-jī ê m̄ng, tī chiaⁿ ê m̄ng

ũ cháp-jī ê thiⁿ-sài, iā ũ miā siá tī m̄ng-nih, chiū-sī Í-sek-liát kiáⁿ-sun cháp-jī ê chi-phài ê miā. ¹³Tang-sì ũ saⁿ ê m̄ng, pak-sì ũ saⁿ ê m̄ng, lâm-sì ũ saⁿ ê m̄ng, sai-sì ũ saⁿ ê m̄ng. ¹⁴Siāⁿ-chhiūⁿ ũ cháp-jī ê toē-ki, toē-ki téng ũ Iūⁿ-ko cháp-jī sù-tô· ê miā, cháp-jī ê. ¹⁵Kap goá kóng ê thiⁿ-sài ũ kim ê lô·tek choè ko-chhioh, beh niū hit ê siāⁿ, kap i ê m̄ng i ê chhiūⁿ. ¹⁶Siāⁿ sī sù-hong, tng khoah pīⁿ-pīⁿ. Ēng lô·tek niū siāⁿ, tit-tiòh cháp-jī-chheng lí, tng khoah koāiⁿ lóng saⁿ-tāng. ¹⁷Thiⁿ-sài niū siāⁿ chhiūⁿ, tit-tiòh chit-pah sì-cháp-sì chhioh, chiàu lāng ê chhùn-chhioh, chiū-sī thiⁿ-sài ê chhùn-chhioh. ¹⁸Chhiūⁿ ēng pheh-gék lâi khí; siāⁿ sī hó kim ê, chhin-chhiūⁿ chheng-liāng ê po-lê. ¹⁹Siāⁿ-chhiūⁿ ê toē-ki ũ an ták téng-hō ê pó-chiòh. Thâu chit ê toē-ki sī pheh-gék; tē jī ê sī lâm-gék; tē saⁿ ê sī chhong-gék; tē sì ê sī chhiⁿ-gék; ²⁰tē gō· ê sī âng-gék; tē lāk ê sī bé-ló; tē chhit ê sī ng-gék; tē poeh ê sī lèk-gék; tē káu ê sī khín-âng gék; tē cháp ê sī húi-chhui gék; tē cháp-it ê sī chí-sek gék; tē cháp-jī ê sī chhiaⁿ-gék. ²¹Cháp-jī ê m̄ng sī cháp-jī liáp chin-chu; chiaⁿ ê m̄ng ták ê lóng sī chit liáp chu choè ê. Siāⁿ ê koe-lō· sī hó kim ê, chhin-chhiūⁿ thau-toé kng ê po-lê. ²²Goá bô khoàⁿ-kìⁿ siāⁿ-lāi ũ tiān-tng; in-ūi Chú Siōng-tè, choān-lêng ê, kap Iūⁿ-ko choè i ê tiān-tng. ²³Siāⁿ bô khiām-ēng jīt á-sī gèh lâi chiò i; in-ūi Siōng-tè ê ēng-kng chiò i. Iūⁿ-ko choè i ê teng. ²⁴Liát-pang ê lāng beh oá-khò i ê kng lâi kiáⁿ; toē-chiūⁿ ê ông beh chiong in ê ēng-kng toà lâi kui tī i. ²⁵Siāⁿ-m̄ng jīt-sī lóng bô koaiⁿ, (in-ūi tī hia beh bô mī-sī). ²⁶Lāng beh ēng liát-pang ê ēng-kng kap chun-kui toà lâi kui tī i. ²⁷Hoān-nā bô chheng-khì ê m̄ng, í-kíp kiāⁿ khó-òⁿ pèh-chhát ê lāng koat-toàn boē tit jlp hia; chí ũ kì tī Iūⁿ-ko ê oah-miā

chheh ê oē-tit jíp.

22 Thiⁿ-sài koh pò goá khoàⁿ siâⁿ-lâi koe-lō· tiong ū oáh-miā chúí ê hô, chheng-liāng chhin-chhiūⁿ chúí-chiⁿ, tùi Siōng-tè kap Iūⁿ-ko ê chō-ūi lâu chhut. ²Hô ê siang-pêng ū oáh-miā ê chhiū, kiat chấp-jī iūⁿ ê ké-chí, múi gèh kiat i ê ké-chí: i ê chhiū-hiòh choè i-tī liát-pang ê lō·-ēng. ³Lóng bô koh ū chiū-chó; sī Siōng-tè kap Iūⁿ-ko ê chō-ūi beh toà tī hia; ⁴I ê lô·pók beh hók-sāi I, iā beh khoàⁿ-kìⁿ I ê bīn; koh I ê miā tī in ê thâu-hiáh. ⁵Bô koh ū mí-sí; iā bô khiām-ēng teng ê kng kap jít ê kng, in-ūi Chú Siōng-tè beh chiò-kng in; iā in beh choè ông, kàu tãi-tãi bô chīn.

⁶Koh ká goá kóng, chiaⁿ ê oē sī thang sìn, sī chin-sít. Chú, chiū-sī sian-ti lāng ê sīn ê Siōng-tè, ū chhe I ê thiⁿ-sài chiong kín-kín tek-khak beh chiāⁿ ê sū chí-sī I ê lô·pók. ⁷Goá kín-kín kàu; siú chit pún chheh chhàm-gú ê oē ê ū hok-khì.

⁸Goá Iok-hān chiū-sī thiaⁿ-kìⁿ koh khoàⁿ-kìⁿ hiah ê sū ê. Í-keng thiaⁿ-kìⁿ koh khoàⁿ-kìⁿ, chiū phak-lòh tī thiⁿ-sài ê kha-chēng beh pài i. hit ê thiⁿ-sài chiū-sī chiong chiaⁿ ê sū chí-sī goá ê. ⁹I ká goá kóng, chhian-bān m̄ thang; goá kap lí í-kíp lí ê hiaⁿ-tī, chiū-sī chiaⁿ ê sian-ti, kap siú chit pún chheh ê oē ê, pīⁿ-pīⁿ sī choè lô·pók; lí tiòh pài Siōng-tè.

¹⁰Koh ká goá kóng, Bôh-tit hong chit ê chheh só· ū chhàm-gú ê oē, in-ūi jít-kí kūn lah. ¹¹Put-gī ê, hō· i iū-goân put-gī; ù-oē ê, hō· i iū-goân ù-oē; gī ê, hō· i iū-goân kiāⁿ gī; sèng ê, hō· i iū-goân choè sèng. ¹²Goá kín-kín kàu; pò-èng chāi-tī goá, beh chiàu ták lāng ê só· choè lāi pò i. ¹³Goá sī A-lī-hoat koh sī O-bí-ka, sī thâu-chhít ê, sī lô·bé ê, sī khí-thâu, sī soah-bé. ¹⁴Soé-chheng in ê saⁿ ê lāng ū hok-khì, beh hō· in ū koân tī oáh-miā ê chhiū, koh

tùi chiaⁿ ê mng jíp siāⁿ. ¹⁵Tī goā-bīn chiū ū hiah ê káu, kiāⁿ siā-sút ê, kiāⁿ im-loān ê, thài lāng ê, pài ngó·siōng ê, kap it-chhè hòⁿ pèh-chhát lāi kiāⁿ i ê.

¹⁶Goá Iā-so· í-keng chhe goá ê thiⁿ-sài ūi-tiòh chiaⁿ ê kàu-hoē, tùi lín chēng-bēng chiaⁿ ê sū. Goá sī Tāi-pit ê kun-thâu, koh sī i ê hō·-è, sī kng-kng ê khé-bēng-chhiⁿ.

¹⁷Sèng Sīn kap sin-niū lóng kóng, Lāi. Thiaⁿ-kìⁿ ê lāng tiòh kóng, Lāi. Chhùi-ta ê lāng tiòh lāi. Ì-ài ê lāng thang pèh-pèh tit-tiòh oáh-miā ê chúí.

¹⁸Goá tùi hoān-nā thiaⁿ chit pún chheh chhàm-gú ê oē ê lāng choè kan-chēng, siat-sú ū lāng ke-thiⁿ i, Siōng-tè beh chiong chit pún chheh só· kì ê chai-ē ke-thiⁿ tī i; ¹⁹siat-sú ū lāng san-tū chit pún chhàm-gú ê chheh ê oē, Siōng-tè iā beh tùi chit pún chheh só· kì oáh-miā ê chhiū kap sèng-siāⁿ, san-tū i ê hūn-giáh.

²⁰Kan-chēng chiaⁿ ê sū ê kóng, Tiòh, goá kín-kín kàu. À-bēng; Chú Iā-so· ah, li tiòh lāi.

²¹Goān Chú Iā-so· ê un-tián kap chēng sèng-tô· saⁿ-kap tī-teh. À-bēng.